


TRUTH  
CENTERED  
TRANSFORMATION

MODULE



# MUNYU NECHIEDZA BHUKU REMUDZIDZISI

Chokwadi Yakatarisana neShanduko—Bhuku: Munyu neChiedza v5. Copyright ©2020<sup>[1]</sup> Reconciled World, Phoenix, Arizona, United States of America. [www.reconciledworld.org](http://www.reconciledworld.org)

Iri basa rakavapo nemitemo uye zvitsungo zveCreative Commons Attribution–ShareAlike 3.0 rezinesi. Iwe unotenderwa uye unokurudzirwa kushandisa basa iri, uye kukopa, kugovera, uye kuriendeswa kwakasiyana siyana asi uchitedzera zvinoti:

**Rukudzo** – Unofanika kupa rukudzo nekubatidza chirevo chinotevera: Copyright © 2017. Rakatsikiswa neReconciled World ([www.reconciledworld.org](http://www.reconciledworld.org)) pasi pemitemo nezvitsungo zveCreative Commons Attribution–ShareAlike 3.0 rezinesi. Kuti uwane rumwe ruzivo, ona [www.creativecommons.org](http://www.creativecommons.org).

**Hazvitengeswi** – Haungashandise chinyorwa ichi kutsvagisa mari.



Kana uchida kushandura chinyorwa ichi mune mumwe mutauro, tapota nyorera [info@tctprogram.org](mailto:info@tctprogram.org).

Mavhesi ose, kunze kwepazvakaratidzwa, akatorwa kubva muBhaibheri Dzvene, reNew International Version®, NIV®. Copyright ©1973, 1978, 1984, 2011 by Biblica, Inc.TM. Rakashandiswa nemvumo yeZondervan. All rights reserved worldwide. [www.zondervan.com](http://www.zondervan.com). “NIV” uye “New International Version” zvinorwa zvozivikanwa zvakasungwa neUnited States Patent and Trademark Office by Biblica, Inc.TM.

# Musati Matanga

## Kugadzirira Kudzidzisa Chidzidzo

---

1. Verenga **Bhuku reMudzidzisi** zvakanaka, kakawanda kana zvichiita. Tara kana kunyora zvinyorwa pamativi emapeji kuti uzviyeuchidze nezvepfungwa dzinokosha.
2. Tarisa **Pfungwa Huru** dzechidzidzo chega chega kuti uzive izvo vadzidzi zvavanofanira kudzidza kuburikidza nechidzidzo.
3. Verenga ndima **dzemagwaro** ose ari mberi.
4. Tarisa uone kuti ndezvipi **Zvekushandisa** zvinodiwa muchidzidzo chega chega uye iva nechokwadi chekuti waita makopi emapepa ekupa vadzidzi eBhuku reVadzidzi uye gadzira Mifananidzo Inobatsira yezvinoshandiswa muchidzidzo.
5. Ita kuti uve wakajairana **nechiito** chega chega muchidzidzo (mitambo, matambiro, Mifananidzo Inobatsira). Unogona kuzvidzidzira nemhuri yako kana shamwari.
6. Wana nguva **yekunyengerera** kuti Mwari agadzirire vadzidzi, kuti vadzidzi vanzwe izvo Mwari anoda kuti vanzwe, uye kuti iye akubatsire kudzidzisa Zvekushandisa. Yeuka kuti kuburikidza nesimba raMwari chete ndopatinooona vanhu vachishandurwa.

## Bhuku reMudzidzisi

1. **Pfungwa Huru uye Zvekushandisa:** Chidzidzo chimwe nechimwe chinotanga nechikamu chino.
  - a. **Pfungwa Huru** –Aya ndiwo mazano akanyanya kukosha ayo vadzidzi vanofanira kunyatsonzwisisa panopera chidzidzo chega chega. Pakupera kwechidzidzo tora nguva yekudzidzokorora uye kuona kuti vadzidzi vanzwisisa pfungwa idzi.
  - b. **Zvekushandisa** - Zvekushandisa chaizvo zvinodiwa zvakanorwa pachidzidzo chimwe nechimwe.
    - i. **MIFANANIDZO INOBATSIRA (visual aids)** –ichanyorwa seizvi. Inofanira kugadzirwa pachine nguva.
    - ii. Tinokurudzira kuva nepepa rekushambadzira (rekunamira), chidziro chekunyorerera zvekushandisa neboka guru.
    - iii. Mabhuku eVadzidzi ndeekuzvisarudzira. Chero chikamu chechidzidzo chine mapeji anoenderana neBhuku reMudzidzisi chakanorwa muBhuku reMudzidzisi seizvi: (SG).

## Mifananidzo Inobatsira

Mifananidzo Inobatsira yeBhuku rino irimune rimwe bhuku diki. Dhinda uye uzvigadzirire sezvinoratidzwa papeji yeZvirimukati meMifananidzo Inobatsira.

# Chidzidzo chekutanga: Munyu neChiedza

## Pfungwa Huru:

- Semunyu, hupenyu hwedu hunofanirwa kugadzira shanduko patiri uye munharaunda medu.

## Zvekushandisa:

- Mifananidzo Inobatsira: 'Handigone Kuita Masvomhu ini!' Runyoro rwekutamba (panodiwa makopi matatu)
- Mifananidzo Inobatsira: Nyaya Pfupi Nhatu(dhinda(print) uye cheka uchipatsanura)
- Gaba remunyu, Chipunu
- Bhuku reMudzidzi Raungasarudza Kushandisa
  - Nyaya Pfupi nhatu

## Nhanganyaya: Munyu

---

### CHIITO MUBOKA GURU

**Mirairo KuMudzidzi:** Simudza chigaba chine munyu kana kupfuudza munyu mumba kuti vanhu vose vaone.

- Chii ichi?
- Unoshandiswa kuita sei? *Kuchengetedza, kuwedzera kunaka, kuchenesa.*

Munyu inzira yakakosha uye inoshamisa yekuita kuti zvinhu zvive nani! Pachokwadi, munyu wakakosha kumiviri yedu; hatigoni kurarama tisina.

Jesu akataura nezvemunyu sechiratidzo chezviri vaKristu. Nhasi tinoda kuona kuti tinofanira kuita sei kuti tive semunyu munharaunda dzedu. Ngatitangei nekutarisa rugwaro kuti tione zvakataurwa naJesu nezvemunyu.

## Iwe uri Munyu

---

### HURUKURO MUBOKA GURU

Verenga Mateo 5:13: 'Imi muri munyu wenyika. Asi kana munyu warasa kuvava kwawo, ucharungwa nei? Hauchabatsiri chinhu, kunze kwokuti urasirwe kunze utsikwe-tsikwe nevanhu.'

Mundima iyi, Jesu ari kutaura nevateveri vake. Sezvo tiri vateveri vake, Ari kutaurawo nesu. Panguva yaJesu, munyu waionekwa sewaikosha zvikuru uye waidhura zvikuru. Jesu ari kuita kuti vateveri vake vazive kuti vanokosheswa zvikuru.

## Iva Semunyu

---

Munyu waiva (uye nazvino) wakakosha nekuti unobatsira zvikuru. Jesu paakatienzanisa nemunyu, ari kutidzidzisa kuti tinokwanisa kubatsira munharaunda dzedu. Anojekesa kuti tinogona uye tinofanira kuva semunyu.

**CHIITO MUBOKA GURU** (*Shandisa* **MIFANANIDZO INOBATSIRA**: **MUTAMBO** 'handigone kuita svomhu ini!')

Panodiwa: mutengesi mumwechete, vatengi vaviri, zviyo zviri kutengeswa.

Chiitiko: Mutengesi wemuchitoro ari kutengesa zviyo pachitoro chake. Mutengi anosvika achida kutenga zviyo.

**Mutengi wekutanga:** (*anopinda muchitoro*) Maswera sei! Ndinoda kutenga zviyo. Imarii?

**Mutengesi:** Hongu, hezvino.

(*Mutengesi anopa zviyo kumutengi, Mutengi wekutanga anobhadhara, mutengesi anopa chenji kuMutengi wekutanga.*)

**Mutengi wekutanga:** (*achifamba achiverenga chenji*) Iri izuva rangu rerombo rakanaka! Mutengesi uya wemuchitoro andipa chenji yakawandisa. Munhu asina kudzidza; haatomboziva svomhu. HEHE!! (Mutengi wekutanga anoenda).

**Mutengi wechipiri:** (*achipinda muchitoro*) Mhoroi. Ndauyawo kuzotenga zviyo.

(*Mutengesi anomupa zviyo, Mutengi wechipiri anobhadhara, mutengesi anopa chenji kuMutengi wechipiri.*)

**Mutengi wechipiri:** (*achifamba achiverenga chenji*) Ah kwete! Mutengesi andipa chenji yakawandisa. Akanganisa uye acharasikirwa nemari mubhizinesi rake nenzira iyi.

**Mutengi wechipiri:** (*achidzokera kumutengesi*) Ndine hurombo. Ndagamuchira chenji yakawandisa. (anodzorerwa mari yakawedzerwa yacho).

**Mutengesi** Ndokutenda zvikuru. Handina kumbobvira ndapedza chikoro uye handizive masvomhu zvakananyanya. Izvi zviri kundikonzeresa dambudziko guru mubhizinesi rangu. Dai ndaigona kuita svomhu zviri nani.

**Mutengi wechipiri:** Ehe, iro idambudziko. Munoziva, kana muchida chaizvo kudzidza, ndinogona kukudzidzisa masvomhu chaiwo kuti muvandudze bhizinesi renyu.

**Mutengesi:** Maita basa zvikuru! Ndafara kuti mauya pano nhasi.

- Ndeupi ainyanya kuita sezvinofanira kuita muKristu? *Mutengi wechipiri.*
- Mutengi wechipiri aive akatendeseka. Ndeipi imwe nzira iyo Mutengi wechipiri akaita semuKristu?
  - *Akasarudza kubatsira mutengesi pakuwedzera kugona kuita masvomhu.*
  - *Akaona mukana uye akaita kuti zvinhu zvive nani.*

## HURUKURO MUBOKA GURU

Mumabhuku kana zvidzidzo zvapfuura takadzidza kuti hupenyu hwedu pachedu hunogona uye hunofanira kuvandudzwa sei nekutevera nzira dzaMwari. Zvino tinoona kubva muchiito ichi uye kubva mumagwaro kuti hupenyu hwedu hunofanira kuunza shanduko patiri, uye munharaunda dzedu. Kana munyu waiswa, zvokudya zvinonaka. Patinopinda munharaunda dzedu, tinofanira kunge tichiita kuti zvinhu zvive nani kune avo vakatipoteredza.

Tese tinopedza nguva tiri munharaunda yedu mazuva ese. Izvi zvinoreva kuti tinogara tine mikana yekuva semunyu munharaunda yedu. Zvinhu zvatinoita zuva nezuva zvingaita sezvisingakoshi, asi—kungofanana nomunyu—chimwe chinhu chiduku chinogona kushandura zvikuru.

## CHIITO MUBOKA DUKU

Mumapoka evanhu vatatu kana vana taurai nezvedzimwe nzira dzamunodyidzana nadzo nevanhu vemunharaunda menyu. Ungaita sei kuti uve semunyu kwavari - kuita kuti hupenyu hwavo huve nani?

## CHIRATIDZO MUBOKA GURU

**Mirairo KuMudzidzisi:** *Bata chigaba chidiki chemunyu.*

- Munyu wacho unobatsira here kana ukangogara mukati megaba? (*kwete*)

- Chii chichaitika kuzvokudya zvedu kana munyu ukashandiswa zvakakodzera pakubika? (*Munyu uchaunza kunaka kwakakwana kuchikafu chedu, pasina munyu chikafu chinenge chisinganake*)
- Munyu unonyanyodiwa pazvinhu zvinenge zvatoiswa munyu here? (*Kwete!*)

Tose tinofanira kuyeuka chokwadi ichi: Munyu unofanira kuparadzirwa. Munyu wehupenyu hwedu unofanirwa kuparadzirwa kune avo vasati vava munyu-kunyanya kune avo vasati vatenda. Kana tikazvichengeta uye tichiratidza rudo kune avo vari mukereke chete, hatisi kuteerera murairo waMwari wekuda vamwe (zvichireva kupararira).

Kana hupenyu hwedu husiri kuita kuti zvinhu zvive nani kune avo vakatikomberedza, hatisi kunyatsorarama hupenyu hwechiKristu uhwo Jesu akarongera isu.

## Chiedza

### HURUKURO MUBOKA GURU

Pashure pokunge Mwari asika denga nenyika, chiedza ndicho chinhu chokutanga chakasikwa naMwari. Sezvo isu tisingagone kurarama tisina munyu, hatigonewo kurarama tisina chiedza. Chakakosha kuhupenyu hwedu.

- Chiedza chinoita sei?
  - *Chinopa hupenyu, chinoratidza ruvara uye runako, chinoratidza njodzi dzinogona kuitika.*
- Fungidzira dai pasina chiedza chezuva, pasina chiedza chemagetsi, pasina chiedza chemwedzi. Upenyu hwaizova hwakaita sei?
  - *Hapana chaikwanisa kukura.*
  - *Taisa kwanisa kuona zvachose, kana chinhanho chaicho pamberi pedu.*

Verenga Johani 8:12

- Ndianiko chiedza chenyika?
  - *Jesu*
- Chii chinoitika kana tikatevera Jesu?
  - *Hatifambi murima, hatisi mapofu, tinokwanisa kuona kwatiri kuenda.*
  - *Tine chiedza cheupenyu, tiri vapenyu pamweya uye tichikura.*

Jesu anoti ndiye chiedza chenyika uye kuti tinogona kuva nechiedza ichi nekumutevera.

Verenga Mateo 5:14–16.

- Ndiani chiedza chenyika mundima iyi?
  - *Vateveri vaKe—isu!*
- Jesu anoti tinofanira kuitei kuti ‘tivhenekese sechiedza’?
  - *Mabasa akanaka*
- Chiedza ndechaani?
  - *Vese vari mumba, vanhu vose*
- Maererano nemashoko aJesu, chii chichaitika patinovhenekera chiedza chechokwadi?
  - *Vamwe vachaona mabasa edu akanaka vorumbidza Baba vedu vari Kudenga, zvichiunza mbiri kuna Mwari*

Mwari akapa Kereke (kureva, vaKristu) basa rinokosha munyika: kuva chiedza! Jesu akapfuudza chiedza chorudo rwake kuvateveri vake. Pasina Kereke hakuna chimwe chiedza; kune rima chete. Kwose uko vanhu vaMwari vanosarudza kusavhenekera chiedza chavo, nharaunda dzavo dzinosiwa murima. Pasina chiedza chehupenyu, hapana tariro yenharaunda dzedu.

## Nyaya dzemaKereke eMunyu neChiedza

### CHIITO MUBOKA DUKU (SG)

**Mirairo KuMudzidzisi:** Patsanura boka kuita mapoka matatu madiki. Panofanira kuva nemuverengi mumwechete muboka rega rega. Ipa boka rega rega nyaya IMWECHETE kubva mu **MIFANANIDZO** **INOBATSIRA: Nyaya Pfupi Nhatu.** Vakumbire kuiverenga uye kupindura mibvunzo. Tsanangura kuti imwe neimwe yeidzi inyaya yechokwadi yemusha chaiwo. Zvadaro ita kuti mapoka ape nyaya nemhinduro kuboka rose.

**Nharaunda yekutanga** Mune mumwe musha, pese pairwara munhu, n'anga yaiuya ichida kuti vabayire mhuka kuti vawane mazano nemishonga. VaKristu vekereke pavakadzidza nezvehutano kuburikidza nechirongwa cheTCT, vakatanga kushandisa zvidzidzo izvi kurapa zvirwere zvinowanzoitika kwavari nevavakidzani vavo. Vanhu vese vemumusha umu vakaona kuti vanhu vaitevedzera zano ravo vaizopora pasina kubaira mhuka. Iye zvino musha wose unoedza kudzivirira uye kurapa zvirwere pane kuita zvibayiro. Izvi zvinovachengetedza pamari uye zvinovachengeta pahutano! Zvinoita sokuti kushumira Mwari kunoita kuti upenyu hwevaKristu huve nani. Zvinoita kuti hupenyu hwevamwe huve nani, zvakare!

**Nharaunda yechipiri** Mune mumwe musha, kana vanhu vouya kuzokohwa munda, muridzi wemunda aitofanira kupa chikafu chikuru nezvekunwa kana doro kumunhu wose anobatsira. Dzimwe nguva mutengo weizvi waipfuura purofiti kubva pakukohwa! Mushure mekudzidza nezvekuita Mabasa eRudo, vaKristu vomunharaunda iyi vakasarudza kuti vaizobatsira muminda yevarambo pasina kubhadharwa. Vanhu vakashamiswa kuti vaKristu vaisangobatsirana chete asi vaibatsirawo vanhu vaiva kunze kwekereke. Nenguva isipi, vamwe vanhu vomumusha wacho vakaona zvavakanga vachiita uye vakarega kuda zvokudya nezvinwiwa, zvakare. Iye zvino munhu wose mumusha anobvuma kushanda muminda yomumwe pasina mubhadharo. Vose vanouya nezvokudya zvavo, uye vanoshanda pamwe chete. Somugumisiro, mhuri imwe neimwe inokwanisa kuita purofiti. Iye zvino nguva kukohwa inguva iyo musha unotarisa kusvika kwayo pane kuva nguva yavanonetsekana nayo, uye vanogona kuriritira mhuri dzavo nepurofiti yavo.

**Nharaunda yechitatu** Musha wakaita Mabasa eRudo chikamu chehupenyu hwavo hwemazuva ese. Vanoita Mabasa erudo svondo rega rega. Pachokwadi, aya azova mararamire enguva dzose zvokuti zvino, pose apo mumwe munhu anoona panoda rubatsiro, anongorega zvaari kuita ndokuedza kupedza chinetso chacho. Kana paine matombo kana marara mumugwagwa, vanomira kuti vaabvise. Musha wavo waimbova wakazara tsvina, usina budiriro munzvimbo iyi. Asi iye zvino wakanyatsotsvinda uye wakanyatsochengetedzwa. Munguva pfupi yapfuura vakakwanisa kuvaka kereke yakaisvonaka nemari inobva mukushanda nesimba uye kubatsirana! Shanduko iri kuonekwa ne vese vanopfuura nemumusha. Asi zvinogonawo kunzwika munzira iyo vagari vomumusha vanoitirana zvinhu. Munhu wese mumusha wacho anofara zvokuti uye anotenda kuti vanhu vekereke vaivada zvokuvaratidza mararamiro ari nani.

- Kereke yakaiti munyaya iyi?
- Ishanduko ipi yakaitika munharaunda?
- Ko vanhu vemumusha vakazvitambira sei?
- Ndeapi maonero avo kukereke zvino?
- Tingaita sei kuti tifanane nekereke iyi?

### DZOKAI NEMHINDURO

Mwari vanoda kuona nharaunda dzedu dzichiporeswa. Kubva mumagwaro edu enyaya dzanhasi, tinogona kuona kuti tariro yenharaunda yedu yekuporeswa iri mukereke—nyika haikwanisi kuunza kuporeswa. Isu tiri chiedza chinogona kudzinga rima munharaunda yedu!

- Unogona here kugovera dzimwe nyaya dzinobva munharaunda yako dzinoratidza kuti kupenyesa chiedza chehupenyu kwakabatsira sei vavakidzani vako?
- Pane Mabasa eRudo akaita mutsauko munharaunda yenyu here?
- Mabasa enyu eRudo asvika kune avo vari kunze kwekereke here?
- Ndezvipi zvimwe zvamungave muchiita sekereke kuunza chiedza munharaunda yenyu?

## Mhedziso

---

Imbomira uchizvibvunza kuti: Ndinotenda zvechokwadi here kuti Mwari anoda kuti vateveri Vake—kusanganisira ini nekereke yangu—tiunze shanduko munharaunda yedu?

Namata kuti Mwari vatibatsire kutenda kuti vanoda kushanda nesimba kuburikidza nesu kuunza chiedza kurima munharaunda dzedu. Kumbira Mwari kuti vakuratidze nzira imwe chete yavanogona kukushandisa nayo semunyu nechiedza, womirira chinyararire kuti vapindure.

# Chidzidzo chechipiri: Kukudza Mwari

## Pfungwa Huru:

1. Chinangwa chekuva munyu nechiedza kune vamwe ndechekukudza Mwari.
2. Tinofanira kupa mbiri kuna Mwari pane zvole zvatinoita.

## Zvekushandisa:

- Hapana

## Nhanganyaya: Kukosha kuna Mwari

---

Tisati taenderera mberi, ngatirangarirei zvatakadzidza muChidzidzo chekutanga.

Verenga Mateo 5:16: ‘Nenzira imwe cheteyo chiedza chenyu ngachivhenekere pamberi pevanhu, kuti vaone mabasa enyu akanaka uye vakudze Baba venyu vari kudenga.’

- **Nemhaka yei tichifanira kuvhenekera chiedza chedu kuburikidza nekuitira vamwe mabasa akanaka?**

Chinangwa chekuita mabasa akanaka — emunyu nechiedza nekuita Mabasa eRudo — ndechekuti vamwe vakudze Mwari! Tinoita Mabasa eRudo kuti Mwari akudzwe. Muchidzidzo chino, tinoona kuti sei kubwinya Kwake chiri chinangwa chedu chakanyanya kukosha.

## Hupenyu Hwedu Hunofanira Kukudza Mwari

---

### HURUKURO MUBOKA GURU

Nhasi tichaverenga ndima kubva muTestamente Yekare. Mundima iyi, valsraeri—vanhu vakasarudzwa vaMwari—vakanga vapukunyuka muuranda uye vakanga vachienda kunyika yavakanga vavimbiswa naMwari. Rwaiva rwendo rurefu nemugwenga. Pavakasvika kumucheto kwenyika yavakanga vavimbiswa naMwari, vakatuma vasori munyika iyo vakaona kuti yakanga yakazara nezvinhu zvinoshamisa—sesumbu remazambiringa rakanga rakakura kwazvo vakatora varume vaviri kuti vatakure. Asi vakawanawo chinetsa — kune mauto akawanda akasimba munyika yacho. Vaviri vevasori vakapa mushumo wakanaka pamusoro pezvinhu zvakanaka asi vamwe vose vakangotaura nezvezvinetsa zvacho. Ngativerengei muna Numeri zvakaikita.

Verengai Numeri 14:1–20.

Mundima iyi, vanhu velsraeri vakatadza. Panzvimbo pokuvimba nezvipikirwa zvaMwari kwavari, vakanyunyutira Mozisi naMwari, vachiti vangadai vakaramba zviri nani kudai vakaramba vari varanda muljipiti kana kuti vakafira murenje (ndima. 1-4). Mukupindura, Mwari anotaura kuti iye achaparadza valsraeri uye panzvimbo pezvo achaita dzinza kubva kuna Mozisi. Mozisi anoenda kuna Mwari ndokuvakumbira kuti vasadaro.

- Mundima 13–16, chikonzero chei chinopa Mozisi chokukumbira Mwari kuti vasaita izvi?
  - *Mamwe marudzi achanzwa nezvazvo oti Mwari haana kukwanisa kuzadzisa zvipikirwa zvake.*
- Mozisi arikunetseka nezvei?
  - *Mukurumbira waMwari, zvichatendwa nevanhu pamusoro paMwari.*

Mozisi ari kunetseka kuti kana Mwari akaparadza valsraeri, valjipiti vachafunga kuti Mwari akanga asingakwanisi kuzadzisa vimbiso yake yokuvaunza kunyika yechipikirwa. Mozisi ane hanya nemukurumbira waMwari—mbiri Yake! Anozvibvunza kuti, 'Vasiri vaKristu vachafungei nezvaMwari kana izvi zvikaitika, Mozisi haana kuti, 'Musaparadza valsraeri nokuti tiri vanhu vakanaka,' kana kuti 'nekuti izvozvo zvingandiita kuti ndionekwe semutungamiriri asingaiti?'. Chinhu chikuru chaifungwa naMozisi chine chokuita nomukurumbira waMwari.

- Unombofunga nezvemukurumbira waMwari here?
- Isu sevaKristu tinofanira kufunga nezve mukurumbira waMwari here (kureva, kukudzwa kwake?)? Nemhaka yei kana kuti nei tisingadaro?

Verenga VaKorinde vekutanga 10:31.

- Sekutaura kwaPauro, ndepapi patinofanira kuva nehanya nokuda kwembiri yaMwari?
  - *Pese patinoita chero chinhu—kunyangwe mabasa madiki, ezuva nezuva ekudya nekunwa.*
- Kana dzimba dzevaKristu dziridzo dzakanyanya pahutsvina munharaunda, midziyo yavo isingachengetwe zvakanaka, uye vana vavo vachipfeka nguo dzine tsvina, unofunga kuti vanhu vomunharaunda vanofungei nezvaMwari?
  - *Vanoshamisika kuti Mwari anokwanisa kubatsira vanhu vake here, vanofunga kuti Mwari ane hanya bedzi nezvinhu zveuweya asi haana hanya nemhuri dzevatendi.*
- Izvi zvinoreva here kuti tinofanira kuva vakapfuma kana kuti vakakwana kuti tikudze Mwari kuitira kuti vanhu vatiyemure?
  - *KWETE! Pachokwadi, Jesu pachake akazvarirwa mumhuri yaiva nourombo. Zvisinei, tinofanira kushandisa zvakanakisisa zvacho pazvinhu zvatakapiwa naMwari. Tinofanira kushandisa zvinhu zvatiinazvo nounyanzvi hwatinahwo kuti tikudze Mwari.*

Takadanwa kuunza mbiri kuna Mwari pane zvose zvatinaita. Heino nyaya yekutsanangura kuti zvingataridzika sei.

Pane imwe mhuri yakaendeswa kumusasa wevapoteri (refugee camp) nemhaka yehondo yakaitika munyika yavo. Hondo isati yatanga, mhuri yacho yakanga yakapfuma zvikuru. Zvino vakanga vabva kugara muimba yemhando yepamusoro vave kugara muimba yevhu. Mudzimai wacho akanga asina hanya neimba yacho uye yakakurumidza kuparara. Aisuwa imba yakanaka yaaimbova nayo uye aingofunga zvaasina. Pashure penguva yakati, muramu wake mukuru akauya kuzogara. Akatsvaira ndokuchenesa nharaunda yacho, akagadzira imba yacho, uye akatanha maruva kuti aunze runako rwaMwari mukati. Akagara kwemavhiki mashoma achiita marudzi emabasa ari nyore asingashandisi chero mari. Nokuwedzera zvirimwa nemaruva uye kuita kuti imba igare yakatsvinda, yakachena uye isina kutsvikinyidzana, zvainzwikwa mumba umu zvakashanduka. Izvi zvakapa tariro kwete kumukadzi wemukoma wake chete, asi kumhuri ese nevavakidzani vavo zvakare. Kunyange zvazvo mhuri yacho yakanga ichiri muhurombo uye imba yacho yakanga ichiri duku, hama yavo yakashandisa zvaiva nemhuri yacho kuti ikudze Mwari pakati pemamiriro ezvinhu akaoma.

## CHIITO MUBOKA DUKU

Mumapoka madiki, budai nemazano akawanda sezvinobvira pamibvunzo miviri iyi.

**Mirairo KuMudzidzisi:** Kana zvichidikanwa, tangai nekuuya nemazano mashoma pamwe chete kuti vanzwisise kuti ndedzipi mhinduro dzinogoneka. Kana mapoka apedza, ita kuti vadzoke kukirasi.

Ndedzipi dzimwe nzira dzatingavaka nadzo mukurumbira waMwari pakati pevasiri vaKristu?	Ndedzipi dzimwe nzira dzatingaparadza nadzo mukurumbira waMwari pakati pevasiri vaKristu?
<ul style="list-style-type: none"> <li>• Kuchengetedza vana vedu</li> <li>• Kuda vakadzi vedu</li> </ul>	<ul style="list-style-type: none"> <li>• Kushaya hanya nemhuri dzedu</li> <li>• Kuparadza zvakatipoterredza</li> </ul>

<ul style="list-style-type: none"> <li>● <i>Kushanda nesimba</i></li> <li>● <i>Kubatsira kana kushumira vamwe</i></li> <li>● <i>Kutevedzera maitiro ane hutano</i></li> <li>● <i>Kuchengedzwa zvakatipoteredza, mhuka, zvipfuyo</i></li> <li>● <i>Kuchengeta midziyo yedu zvakatsvinda</i></li> </ul>	<ul style="list-style-type: none"> <li>● <i>Kusava nehanya nemiviri yedu (kunwa zvinodhaka nekuputa)</i></li> <li>● <i>Kukurumidza kutsamwa</i></li> <li>● <i>Kusatendeseka (pazvinhu zvese / mubhizinesi)</i></li> <li>● <i>Kusavimbika kumurume kana mukadzi wako</i></li> <li>● <i>Kurova vana vedu, mudzimai, mhuka</i></li> </ul>
---	--

## DZOKAI NEMHINDURO

### HURUKURO MUBOKA GURU

- Vanhu pavanotarisa upenyu hwako, vanofunga here kuti, 'Mwari anoshamisa zvikuru. Mitemo yake yakatinakira. Nzira dzake dzakanakisisa!' kana kuti vanofunga kuti Mwari wedu haana simba guru kana kuti haakoshe zvikuru?
- Tiri kuteerera Mwari munzvimbo dzose dzehupenyu hwedu here? Tinoshandisa nesimba here? Tinobata vamwe nerudo here? Tinoshandisa mari yedu nekuchenjera here? Takatendeseka here? Tinopa here? Chii chatingaita zvakasiyana?

## Vamiririri vaMwari

### HURUKURO MUBOKA GURU

Zita raMwari nemukurumbira wake zvinokosha zvikuru. Akatidana kuti tive vamiririri vake.

Verengai VaKorinde vechipiri 5:20.

- Chii chinonzi mumiririri?

**Mirairo KuMudzidzisi:** *Tsiva mazita enyika nenyika dzinozivikanwa maererano nevateereri.*

Mumiriri munhu anobva kune imwe nyika achienda kune imwe kunomiririra nyika yake. Semuenzaniso, kuUSA kune mumiririri weKenya. Ndiye ane basa rekumiririra Kenya muUSA. Kana hurumende yeKenya ikaita chero sarudzo, ipapo mumiririri anotaura akamiririra vekunyika kwake muUSA. Anoudza vanhu nezve tsika uye vanhu veKenya. Anovakurudzira kuti vashanyire Kenya, vatange mabhizimisi muKenya, uye vatenge zvinhu zveKenya. Anomiririrawo Kenya nekupinda misangano nekubuda pachena — zvese zvaanotaura nezvaanoita kunyangwe mapfekero aanoita anenge achiitira kuti nyika yake iremekedzwe nekubatsirikana.

Izvi zvakafanana nokuva nevana. Kana mwana wako akaita chimwe chinhu chakaipa, unonyara. Zvinokuita kuti utaridzike sewakashata. Kana mwana wako akaita chimwe chinhu chakanaka, iwe unodada. Zvinoita kuti utaridzike zvakana.

Isu tiri zvakare vamiririri vehumambo hwaMwari. Isu tiri vana vaMwari. Vanhu pavanotarisa isu neupenyu hwedu, vanofanira kuona zvakaita umambo hwaMwari.

- Upenyu hwedu hunotaura kuti kuvanhu nezvezvakaita umambo hwaMwari?

Funga nezvekumiririra kwawakaita Mwari svondo rapfuura. Vanhu pavanotarisa upenyu hwako, chii chavanogona kunzwisisa pamusoro pokuti Mwari ndiani?

## **CHIITO CHEVAVIRI VAVIRI**

Muri vaviri vaviri, fungai nezvezvimwe zvinhu zvamuchaedza kuita zvine musiyano svondo rino. Nyengeterai pamwe chete kuti Mwari akubatsirei kuita shanduko dzamunoda kuita.

## **Mhedziso**

---

Kuraramira kukudzwa kwaMwari kunogona kutizadza nomufaro mumamiriro ezvinhu zvese.

Verengai Johani 15:10-11

- Kuchengeta mirairo yaJesu hausi mutoro unorema, asi mufaro!

Verengai Petro wekutanga 2:12

- Chinangwa chedu mukuraramira kukudzwa kwaMwari ndechekuti vamwe vagomukudzawo

Hazvishamisi here kuti kuburikidza nokurarama nenzira iyi, Mwari anotowedzera kutikomborera nekutipa mufaro?

# Chidzidzo chechitatu: HuKristu hweChokwadi

## Pfungwa Huru:

HuKristu hwechokwadi hunoratidzwa mumabasa okunze anobva pane zvatiri nechomukati. Zvinoburitsa kuda kwedu Mwari.

## Zvekushandisa:

- Mifananidzo Inobatsira: Makadhi akanyorwa eMutambo wevanhu vatatu (unoratidza hunhu hutatu)
- Makenduru matatu ne Machisi (Chiito kune Vanoda)

## Nhanganyaya

---

### HURUKURO MUBOKA DIKI

- Ungarondedzera sei muKristu wechokwadi? Ungaziva sei kuti munhu muKristu chaiye? Nyora pasi zvinhu zvavanoita kana unhu hwavangava nahwo.

### DZOKAI NEMHINDURO

**Mirairo KuMudzidzisi:** Itai kuti mapoka agoverane humwe hunhu hwavakanyora. Zvadaro kumbira mapoka kuti atarise zvese zvanyorwa. Ndezvipi zvinhu zvanyorwa zvakaita sekuenda kuchechi? Hunhu hungani hwakafanana nekutendeseka? Ndezvipi zvanyorwa zvakanyanya?

Nhasi tichatarisa mienzaniso mitatu yakajairika yemaitiro echiKristu.

## Muitiro wekutanga: Kunze Chete

---

### CHIITO MUBOKA GURU: MUTAMBO

**Mirairo KuMudzidzisi:** Unoda vanhu vatatu vanozvipira kuita mutambo. Paunenge uchipa makadhi e **MIFANANIDZO INOBATSIRA** emutambo uyu ita shuwa kuti vanozvipira kutamba vakagadzirira kuita nenzira dzinotevera:

- Hunhu weMuitiro wekutanga: anofanira kudada zvakanyanya
- Hunhu weMuitiro wechipiri: anofanira kuva anotongerwa vamwe nekutsamwa zvikuru
- Hunhu weMuitiro wechitatu: anofanira kuva nehanya, kuzvininipisa uye kuva nemoyo unotendeuka

### Muitiro wekutanga: (Ratidza KUDADA zvikuru)

Zvinogutsa sei! Nhasi ndaparidzira mhomho yevanhu muguta. Magudzanzwi(mic) angu abatsira zvikuru kuti munhu wese anzwe minamoto yangu yakakosha nemitemo yezvemweya. Ndavaudza nzira dzose dzavanofanira kurarama nadzo. Ndinoziva kuti vandinzwa, nekuti vese vasimudza maoko avo kuti vave vaKristu pandapedza kuparidza. Zvirokwazvo ndiri muvhangeri akanakisa munzvimbo ino—hapana mumwe munhu ane budiroro seni! Hazvishamisi: ndinopedza maawa maviri ndichinyengerera uye awa ndichiverenga Bhaibheri zuva rega rega. Svondo rakapera ndakatsanya kwemazuva matatu ndikakumbira Mwari kuti vandipe vanotendeuka zana nemakumi mashanu mwedzi uno. Ndine chokwadi chekuti paAnoona kunyengetera kwangu nekutsanya kwandinoita kuti achapindura munamoto wangu. Zvakatoipa kuti vamwe havasi vemweya seni. Havazivi kuti vanganyatsozvipira sei kubasa raMwari... Oh! Pane chidhakwa chemunharaunda chiya futi. Zvinoita sekuti haachakwanisa kuwana nzira yake yekudzokera kumba uye dzangova nguva dzeshanu! Anoda

chaizvo kunzwa imwe yemharidzo dzangu! Zvakana, handina nguva yake iye zvino-inguva yekunyengetera! (Obva akurumidza kuenda.)

- Ungatsanangura sei Muitiro wekutanga uyu?
  - *Anongofunga kukudzwa kwake oga; kufarira zvinhu zvemweya, kwete Mabasa eRudo.*
- Wakambosangana nemunhu akadai here?

Hunhu muitiro wedu wekutanga hwakafanana nemuFarisi. VaFarisi vaive vatungamiri vemakereke panguva yaJesu. Vakazvipira upenyu hwavo hwose pakudzidza nokudzidzisa Mutemo waMozisi. Vakanga vachiitira hanya zvikuru kutevera mitemo yaMwari nokurarama 'upenyu hutsvene' hwakakwana zvokuti vakawedzera zvimwe zvirambidzo (mirairo) mazana matatu nemakumi matanhatu neshanu (365) nemirairo mazana maviri nemakumi mashanu (250) kuMirairo ine gumi ndokutarisira kuti munhu wose aizoitevedzera. VaFarisi vaifungidzirwa kuti ndivo vanhu vatsvene zvikuru. Munhuwo zvake haangamboi 'mutsvene' sezvaaiva.

Zvisinei, kakawanda muBhaibheri tinoona Jesu achishora vaFarisi vainzi 'vatsvenetsvene.' Kutaura zvazviri, mashoko aJesu anorwadza akanga asiri evanhu vakaita sepfambi kana kuti zvidhakwa asi kuvaFarisi. Ngativerengei zvaakataura kwavari:

Verengai Mateo 23:1–7, 23–28.

- Kubva mundima idzi, unofunga kuti chivi chevaFarisi chaiva chei?
  - *VaFarisi vaiva nezviito zvose zvakana, asi mukati vaikara, vaingo zvikudza, uye vaizvisimudzira. **Vakanga vasina basa nevanihu asi vaiisa mipimo yakaoma, kwete mipimo yaMwari. Vanhu vaisakwanisa kugona mipimo yavaiisa. Kunyange zvazvo vakanga vasina kukwana, vaiita sokunge vakanga vakakwana uye waitonga noutsinye munhu wose akanga asina kukwana. VaFarisi vakanga vasina hanya nokurarama hupenyu hutsvene sezvavaiitira kuti varatidzike seVatsvene.***

Apo vaFarisi nemuitiro wekutanga mumutambo wedu zviri mienzaniso yakanyanyisa yeizvi, tose tinogona kuedzwa kuti tinyepedzere kuti tiri vemweya zvakananya kupfuura zvatiri chaizvo, kana kungoita semuKristu asi tichinzwa tiri kure kwazvo naMwari. Mwari haafariri zvatinoita kunze semafariro aanoita hukama hwedu Naye. Zviito zvedu zvekunze zvinofanira kubva muukama hwepedyo naye.

Zvino ngatitarisei hunhu wemuitiro wedu wechipiri.

## Muitiro wechipiri: Kushumira pasina Rudo

**CHIITO MUBOKA GURU: MUTAMBO**

**Mirairo KuMudzidzisi:** Shandisa makadhi e **MIFANANIDZO INOBATSIRA**

**Muitiro wechipiri:** (wakaita kugumbuka, nemafungiro akaipa, uye kuwedzera hashu paunenge uchitaura) Haiwa! Zuva rakadii. Ndapererwa! Kuva chikamu chekereke kuri kutora NGUVA yangu zhinji! Vhiki rega rega ndinopedza nguva yangu ndichibatsira vamwe. Hazvishamisi kuti mufundisi akandiudza kuti ndiri chikomborero chakadaro kuchechi! Nhasi ndashanyira vanhu vatatu vairwara ndikavaunzira chikafu. Vhiki rapfuura chete, ndakaronga kuvaka imba yechirikadzi... (Anotanga kutsamwa) Kwete kuti ndinomunzwisisa chaizvo mukadzi uya. Ndinoreva kuti haana kunyatsotenda zvakananya. Atoti maita basa asi zvatoita sekuti vaizvikodzera. Handidi vanhu vakadaro. Havanzwisisi zvandinozvipira kuti ndivabatsire. Ndinoreva kuti ndine mhuri yangu yekuchengeta. Asi pachokwadi havatendi. Vanhu vanofanira kuremekedza zvikuru kuedza kwangu. Mukadzi akapusa uyu, dai ndisina kumubatsira.

- Unotsanangura sei muitiro wechipiri?

- *Kushanda nesimba pazviitwa zvekereke asi nemafungiro nezvinangwa zvisiri izvo.*

Wechipiri aive nehanya nemukurumbira wake. Akanga achiita Mabasa eRudo nemafungiro akaipa uye nezvikonzero zvisina kururama—kuti vamwe vamurumbidze. Ngatitarisei imwe ndima inotaura nezvedambudziko iri.

Verengai VaKorinde vekutanga 13:1–3.

- Kubva murugwaro urwu, chii chaishaikwa pamutambi wechipiri? (*rudo*)

Bhaibheri rinotidzidzisa zvakajeka kuti kushumira vamwe tisina rudo mumwoyo yedu hakuna kukwana! Tinonzwisisa kubva mundima iyi kuti tinofanira kuva nerudo kuitira kuti Mabasa edu eRudo ave akakosha.

### **HURUKURO MUBOKA DIKI**

Chimbofunga kuti munhu wemuitiro wechipiri uyo akauya kwauri kuzokumbira mazano. Akanga anzwa mharidzo panaVaKorinde vekutanga 13 asi haana kutongonzwa rudo rukuru. Aida kuda asi aifanira kuda sei vamwe vanhu? Kunyanya avo vanonyanya kusvota. Nderipi zano raungapa kuMutambi wechipiri pamusoro pekukura mukuda vamwe?

### **DZOKAI NEMHINDURO**

## **Kunobva Rudo**

---

Kana tichida kukura murudo, tinofanira kugara tichienda kunobva rudo.

Verengai Johani wekutanga 4:7–9.

- Rudo rwunobva kupi? *Rudo runobva kuna Mwari. Mwari rudo.*

Sezvo rudo ruchibva kuna Mwari tinofanira kutarisa kuna Mwari kuti atipe rudo rwakawanda patinenge tisinganzwi rudo.

### **CHIRATIDZO MUBOKA GURU (KUNE VANODA)**

**Mirairo KuMudzidzisi:** *Sarudza anozvipira kuuya kumberi. Mupei kenduru risina kubatidzwa. Raira munhu anozvipira kubatidza kenduru. (Hazvizogone kuribatidza pasina kunobva moto.)*

Bvunza:

- Sei usingakwanisi kubatidza kenduru yako?
  - *Nekuti handina chekubatidzisa nacho.*
- Unodei?
  - *Chekubatidzisa / moto.*

**Mirairo KuMudzidzisi:** *Kumbira azvipira uya kuti arambe ari mberi. Ipa imwe kenduru isina kubatidzwa kune mumwe munhu ari mumba. Raira anozvipira kubatidza kenduru yemumwe munhu iyeye. (Izvo hazvigoneke nekuti hapasati pave nemoto).*

Bvunza:

- Sei usingakwanisi kubatidza kenduru yemuvakidzani wako? *Nekuti kenduru yangu haina kubatidzwa.*
- Zvine musoro here kuedza kubatidza kenduru yemumwe munhu pasina mwenje wako? *Kwete!*

Sezvo tisingagoni kubatidza kenduru pasina kunobva moto, hatigoniwo kuzadzwa norudo zvechokwadi pasina kunobva rudo.

**Mirairo KuMudzidzisi:** *Patafura iri pamberi pekamuri, batidza kenduru hombe.*

- *Iti, 'Jesu ndiye Chiedza chenyika. Kunobva chiedza chedu kunobva kuna Mwari kubudirikidza naJesu Kristu.'*
- *Bvunza anoda hake(azvipira) wechipiri, kuti: 'Kana ukauya kumoto uyu, unogona kubatidza kenduru yako here?' (Hongu.)*
- *Raira munhu anoda hake uya kubatidza kenduru.*
- *Iti, 'Zvino mazadzwa nechiedza nokuti makanga muchitsvaka kunobva chiedza. Zvino wava kukwanisa kubatidza kenduru romuvakidzani wako here?' (Hongu.)*
- *Raira munhu anoda hake uya kubatidza rimwe kenduru racho.*
- Tinodzidzei pamuenzaniso uyu?
  - *Jesu ndiye chiedza netsime rerudo rwedu. Hatingagone kuda zvakanaka tisina kugamuchira rudo Rwake.*

Sezvataura tinogona kukura murudo nekunamata uye nekukumbira Mwari kuti vawedzere rudo rwedu. Heano mamwe mazano.

## Kukura muRudo

---

Sezvataura tinogona kukura murudo nekunamata uye nekukumbira Mwari kuti vawedzere rudo rwedu. Heano mamwe mazano.

### 1. KUNYENGETERERA VAMWE

- Rudo runokura patinonyengeterera vanhu—kunyange vava vatisingade. Kumbira Mwari kuti vakupe rudo kwavari. Paunopedza nguva uchivanamatira zuva rega rega unozoshamisika kuti Mwari vanoshandura sei mafungiro ako kwavari. Izvi zvinotora nguva!

### 2. ITA / TEERERA

- Rudo runokura sezvatino'ita'; rudo hakusi kungonzwa kwakanaka. Dzimwe nguva chiito. Saka, kunyangwe tisinganyatsonzwa rudo, tinogona kuedza kuratidza rudo kune mumwe munhu uye kunamatira kuti kunzwika kwerudo kukure.

### 3. WANA NGUVA YOKUDZIDZA NEZVEVAMWE

- Kazhinji patinodzidza zvakanaka nezvevamwe rudo rwedu kwavari runowedzera

Ramba uchifunga: kuda mumwe munhu hazvirevi kuti unobvumirana nezviito zvavo zvose. Kana mumwe munhu achitadza, isu hatibvumirani nechivi, asi isu tinoda mutadzi. Jesu akapedza nguva yake aine pfambi nevateresi nevamwe vaiita zvakaipa munzanga. Haana kutendera chivi chavo, asi akavada. Akadya navo, akagoverana hupenyu hwake navo uye akavashumira nokuda kworudo rwake rukuru kwavari.

## Muitiro wechitatu: Kushumira neMwoyo Uzere Nerudo

---

### CHIITO MUBOKA GURU: MUTAMBO

**Mirairo KuMudzidzisi:** *Shandisa makadhi e MIFANANIDZO INOBATSIRA.*

**Muitiro wechitatu:** (Ratidza kuzvinipisa uye kuva nemoyo unotendeuka)

Ndinogara ndichifadzwa ne (mutambi wekutanga) uye (mutambi wechipiri). Vane mweya uye vanoita zvinhu zvakanaka zvakanaka zvechechi. Asi zvinoita sekunge ini handisati ndambokwanisa kuva akanaka saivo. Nhasi ndamboedza kuita nguva ndichinamata asi papera maminiti mashoma mwanasikana wangu abva adonha ndokucheka ibvi rake, ndambomira ndokuchenesa ndokuisa bhandeji. Nenguva isipi yanga yave nguva yekuendesha vana kuchikoro. Ndabva ndaenda kumunda kunoshanda. Ndichisvika kumba ndambomira

ndichiona chirikadzi yepedyo apo. Ndomunzwira hurombo mukadzi uyu—achangobva kufirwa nomurume wake, uye ane shungu kwazvo. Ndinomunzwira tsitsi chaizvo. Taita maawa mashoma tichikurukura ndichimubatsira kuwacha, uye ndikanyengerera naye. Aratidza kufara zvikuru, asi ndinoshuva kuti dai paiva nezvakawanda zvandaigona kuita kuti ndibatsire. Moyo wangu unorwadziwa kwazvo. Dai ndakanga ndawedzera pakunamata sevamwe, ndaigona kuita zvakanwanda. (Achikotamisa musoro) Baba ndiregerereiwone nzira dzandisina kukwana. Ndinoda kurarama hupenyu hunokukudzai. Ndiratidzeyi nzira yekushandisa nguva yangu uye kuti ndingada sei vamwe sezvaMunoda kuti ndiite. Ndinoda rubatsiro rwenyu; Ndinoziva kuti handikwanise kuzviita ndega.

- Ungatsanangura sei hunhu hwemuitiro wechitatu?
  - *Kuzvinipisa, kuva nehanya, kuratidza rudo pahupenyu hwezvubu nezvubu. Ari kuva munyu wechokwadi uye chiedza.*
- Akapedza sei nguva yake? *Kuita Mabasa eRudo, achishuvira kupedza nguva achinyengerera.*
- Unoziva sei kuti aive nemoyo uzere nerudo? *akanzwira muvakidzani tsitsi, akatsvaka kukudzwa kwaMwari.*

## HURUKURO MUBOKA DIKI

Verengai Ruka 18:9-14

- Ndiani akarumbidza Mwari mundima iyi?
- Chii chaishamisa pamusoro peizvi? (Yeuka zvatakadzidza nezvevaFarisi.)
- Pamitambo mitatu iyi, ndeupi waunofunga kuti unonyatso tsanangura rudzi rwemuKristu ari kutsvakwa naMwari? Nemhaka yei?
- Tarisa shure pakutsanangura kwawakaita muKristu wechokwadi. Ungazvigadzirisa sei kana tichitarisa zvataona kusvika pari zvino muchidzidzo chino?

Munhu wechitatu aiita mabasa ake emazuva ese, nemoyo waida mbiri yaMwari. Aive asina hunyanzvi hwekuita uye akange asina kumira mushe semumwe munhu akasarudzika, asi aive nemoyo uzere nerudo uye mweya waida kuita zviito murudo. Akaratidza mutsa uye akatsvaka Mwari mumunyengetero. Akanga akatendeka kubasa rake remazuva ose asi achiteerera kune zvaidiwa zvakanwanda. Hunhu hwemuitiro wechitatu hunoratidza kuti isu hatifanirwe kuve vakakwana kuti tishumire! Mwari anoda kuti timupe zvatinaizvo (hupenyu hwedu hwemazuva ese) kuti akudzwe.

Kushumira vamwe nemwoyo yakazara nerudo ndiko kunounza mbiri kuna Mwari uye kunaita kuti vamwe vamurumbidze! Hatingagoni kuva chiedza chenyika zvechokwadi pasina mwoyo uzere nerudo. Nzira chete yekuva nemoyo uzere nerudo kutsvaga mbiri yaMwari kwete yedu pachedu.

## Mhedziso

Muzvidzidzo zvishoma zvapfuura takarangerira vizhinji zvezviito zveumukristu —tinofanira kuva munyu nechiedza, uye tinofanira kuunza mbiri kuna Mwari. Asi hatimbofaniri kukanganwa kuti simba rokuita zvinhu izvi rinobva kuna Mwari. Zvinotanga neukama hwakanaka naMwari. Pasina izvozvo tichava sevanhu vaviri vokutanga avo—kungoita zvinhu zvakanaka kunze apa uri kure naMwari kana kushumira asi usina rudo uye uchigumbuka.

## DZAMISA PFUNGWA

Funga zvakanwanda nezvevatambi vari mumitambo yedu yekuedzesera — wakanyanya kufanana neupi? Kumbira Mwari kuti aongorore mwoyo wako uye akuratidze mhinduro dzemibvunzo inotevera:

- Ndinoda kuti Mwari apiwe mbiri nokurumbidzwa nokuda kwezvandinoita here? Kana kuti ndinonyanya kufunga nezvevamwe vanondirumbidza here?

- Ndiri kutsvaka Mwari nomwoyo wose here, kana kuti ndiri kungoita zvinhu zvakanaka kunze? Imwe nzira yokuziva nayo ndeyokutarisa munhu zvauri pasina ari kukuona. Unobata sei mhuri yako pasina anoziva? Wakazvipira zvakadii kuzvinhu zvaMwari pasina ari kutarisa? Unonyatsoda here kana kuti unonyanya kufarira vanhu vachifunga kuti uri mutsvene?
- Ndinokwanisa here kuda muvakidzani wangu zvechokwadi, kana kuti ndinofanira kukumbira Mwari kuti vachinje mwoyo wangu kuti ndide zvechokwadi?

Namatai sedungamunhu, muri vaviri vaviri, kana seboka kuti Mwari vashandure mwoyo yedu nezviito zvedu kuti zviratidze zvechokwadi chiedza cherudo Rwake kunharaunda dzedu.

Zvidzidzo zvedu zvinotevera zvichatidzidzisa kuti tingakura sei pamweya kuti mwoyo yedu ifadze Mwari.

# Chidzidzo chechina: Kubvisa Chivi uye Kuvandudza Pfungwa Dzedu

## Pfungwa Huru:

1. Tinofanira kutora matanho ekukunda chivi kuti tive semunyu nechiedza munharaunda dzedu.

## Zvekushandisa:

- Mutambo weMadodzi Matema (Black dot game) (dhinda kana gadzira makadhi akakwana kuti munhu wese ave nekadhi rimwechete - cheka mutsara wekutanga kuratidza kuboka uye cheka mamwe madodzi matema uye woisa muhamvuropu kana bhegi)
- Mifananidzo Inobatsira: Mifananidzo mitanhatu – mitatu yematanho e'Kubvisa Chivi' uye mitatu ye 'Kuvandudza Pfungwa Dzedu'
- Pepa hombe kana kuti chidziro chekunyorerera: (kudhirowa Matanho pfumbamwe Ekukunda Chivi nenzvimbo pakati penhanho imwe neimwe)
- Bhuku reMudzidzi Raungasarudza Kushandisa (SG)
  - Matanho eKukunda Chivi (pfupiso ine magwaro nemifananidzo)

**Mirairo KuMudzidzi:** Zvakakosha kudzidzira zviratidzo muchidzidzo chino usati wadzidzisa kuitira kuti uve nechokwadi kuti zvichabudirira pakubuditsa pfungwa iri kudzidziswa. Zvakare, iyo mitambo yeboka hombe inoda kumwe kugadzirira kune chikamu cheMudzidzi, saka iva nechokwadi chekuti zvese zvekushandisa zvakagadzirirwa nguva isati yasvika.

## Nhanganyaya: Kurasikirwa neHumunyu hwedu

---

MuChidzidzo chekutanga takaverenga Mateu 5:13 kuti: 'Imi muri munyu wenyika. Asi kana munyu warasa kuvava kwawo, ucharungwa nei? Hauchabatsiri chinhu, kunze kwokuti urasirwe kunze utsikwe-tsikwe nevanhu.'

Takataura pamusoro pekukosha kwemunyu uye kuti hupenyu hwedu hunofanira kuva semunyu munharaunda dzedu. Zvino tichatarisa chikamu chechipiri chendima iyi —chii chinoitika kana munyu 'ukapera kuvava kwawo.'

## Kubvisa Chivi

---

- Chii chinonzi chivi? (kuita zvakaipa, pfungwa dzakaipa kana zviito, kugumbura Mwari)
- Zvinorevei 'kuva mutadzi'? (tinoda kutadza, tine tsika yekutadza, tsika yedu yekuzvarwa ndeyekutadza, tine chivi muhupenyu hwedu)

Chivi chinotibvisa kuvava kwemunyu uye tishaye simba munharaunda dzedu. Tichatamba mutambo wakareruka wekuona kuti ndeupi wedu anofanira kukunda chivi muhupenyu hwedu uye ndeupi asina chitadzo muhupenyu hwedu.

## CHIITO MUBOKA GURU: Mutambo weMadodzi Matema (Black Dot Game)

**Mirairo KuMudzidzi:** Ratidza makadhi maviri e **MIFANANIDZO INOBATSIRA**: rimwe racho rine ka dodzii kasina chinhu rimwe rine dodzi dema.

Dodzi risina chinhu rinomiririra mwoyo wakachena usina chitadzo uye dodzi dema rinomiririra mwoyo unotadza.



Pachiitiko ichi, tichashandisa kumberi kwekamuri. Iyi nzvimbo ikozvino yakamurwa kuita nzvimbo mbiri:

- Nzvimbo yekutanga – 'Ine chivi'
- Nzvimbo yechipiri – 'Isina nechivi'

#### Mirairo yeMutambo:

1. Mumwe nemumwe wenyu achagamuchira kadhi rine dodzi pariri. Kadhi irori ndiro rinoona kuti nderipi divi rekamuri rauchaenda kwariri: dodzi dema = nzvimbo 'ine chivi', kana dodzi isina chinhu = nzvimbo 'isina chivi'
2. USAtarise pane dodzi kusvika ndakuraira kuti inguva yako. Chengetedza kadhi rako rakavigwa kuti pasave nemunhu anogona kuona dodzi rako — kunyangwe iwe!

**Mirairo KuMudzidzisi:** Ratidza kadhi re **MIFANANIDZO INOBATSIRA** dodzi dema. Ratidzira kuti kadhi iri rinovatumira kudivi rekamuri rakasarudzwa kuti 'rine chivi.' Ratidza kadhi rine dodzi risina chinhu uye ratidza kuti kadhi iri rinovatumira kudivi rekamuri rakasarudzwa kuti 'risina chivi.'

- Govera kadhi rimwechete pamunhu wega wega ari kutora chikamu (SHANDISA MADODZI MATEMA CHETE.)
- Vayeuchidze kuti vasatarise kadhi ravo!
- Mumwe-ne-mumwe, dana munhu mumwe nomumwe mberi uye muvakumbire kutarisa kadhi ravo uye ipapo voratidza kukirasi.
- Vaudze kuti vaende kudivi rakakodzera rekamuri uye varambe vakabata kadhi pamberi pavo kuitira kuti rionekwe kukirasi.
- Kana munhu wese awana chijana, VOSE vatori vechikamu vachange vari kudivi rekamuri rakasarudzwa kuti 'rine chivi.'
- Zvadaro verenga zvinotevera:



Maererano Johani wekutanga 1:8, tose tine chivi. 'Kana tichiti hatina chivi, tinozvinyengera uye chokwadi hachisi matiri.' Sezvo tose tine chivi, tose tinofanira kuziva kuti tingabvisa sei chivi ichocho kuitira kuti tigoita munyu.

#### **DZAMISA PFUNGWA UYE MUNAMATO**

Ngatitorei nguva yekunamata tichiri takamira. Tenda Mwari nechivimbiso Chake chekuregererwa uye mukumbire kuti atipe mwoyo inoda uye nerairo yakajeka yekuti tingakunda sei chivi chedu.

## **Matanho eKukunda Chivi**

### **HURUKURO MUBOKA GURU**

Sezvo tose tisina kuvava kwemunyu, tingava munyu sei zvakare? Hatichabatsiri chinhu kunze kwokurashwa nokutsikwa-tsikwa here? Kunyange zvazvo chivi chedu chingava chikuru, Bhaibheri rakajeka pakutipa murayiridzo wokubvisa chivi uye rinotivimbisa kuti simba raMwari rinogona kukunda chivi chedu chose. Simba rake rinotiita munyu zvakare!

Pamusoro pezvidzidzo zviviri zvinotevera tichadzidza nezve nzira nhatu dzakareruka dzekukunda chivi muhupenyu hwedu:

1. Kubvisa chivi
2. Kuvandudza pfungwa dzedu, uye
3. Kubvisa chakaipa uchiisa chakanaka

## Kubvisa Chivi

**Mirairo KuMudzidzisi:** Paunenge uchidzidzisa zvikamu zviviri zvinotevera, nyora nhamba imwe neimwe nemusoro pachidziro chekunyorerera kana pabepa. Wobva waratidza mufananidzo we **MIFANANIDZO INOBATSIRA** unomiririra pfungwa itsva. Zvadarwo pfuurira kutsanangura imwe neimwe. Watsanangura imwe neimwe, dzokorora pfungwa dzapfuura kuti vanhu vatange kuyeuka matanho ose.

Ngatitangei nekutarisa matanho matatu ekubvisa chivi. (SG)

1. **Ziva Chivi chacho (MIFANANIDZO INOBATSIRA)** mufananidzo: Ruoko rune dodzi dema)

Kumbira Mwari kuti vakuratidze chimwe chivi muhupenyu hwako chavanoda kuti ushande pakushandura. Chingave chimwe chinhu chatinoita—semakuhwa—kana chingave chimwe chinhu chatinokundikana kuita—sekuda vakadzi vedu sokuda kwakaita Kristu Kereke.




Tinoona Dhavhidhi achiita izvi muna Pisarema 139:23–24, iyo inoti: 'Ndinzverei, Mwari, muzive mwoyo wangu; ndiidzei muzive ndangariro dzangu. Mutarire kana pane nzira yakaipa mandiri, mundifambise munzira isingaperi.'

2. **Reurura Chivi chacho uye Uregererwe (MIFANANIDZO INOBATSIRA)**

mufananidzo: furo rekutaura rine chidodzi chitema mukati)


Kana chivi changozivikanwa, tinoreurura chivi ichocho kuna Mwari uye zvichida kune vamwe. Johani wekutanga 1:9 inoti: 'Kana tichireurura zvivi zvedu, iye akatendeka uye akarurama uye achatikanganwira zvivi zvedu nokutinatsa pakusarurama kwose.' Inzwa kukurudzirwa—hapana chivi chinonzi hachiite kuregererwa kuna Mwari! Akatendeka kutiregerera zvivi zvedu ZVOSE.



Kana tikatadzira mumwe munhu, zvingava zvinodikanwa kutsvaka kanganyiro kubva kwaari. Kana ukama hwakuvadzwa kana kuti hukaputswa nechivi chedu, zvinokosha kuti tireurure uye kutsvaka kuregererwa navo kuitira kuti hukama ihwohwo hugadziriswe.

3. **Tendeuka (MIFANANIDZO INOBATSIRA)** mufananidzo: furo rekutaura rine chidodzi chitema chakachekwa)

Zvakafanira kutendeuka kuti usadzokorore zvitadzo. Kutendeuka kunoreva kuzvipira kutendeuka kubva pachivi uye kuenda kune kuda kwaMwari.



Pana Jobho 31:1 tinorava kuti: 'Ndakaita sungano nameso angu kuti ndirege kutarira musikana noruchiva.' Pano tinoona kuti Jobho akatendeuka ndokuita chitsidzo chokusatarira mukadzi nokuchiva. Jobho akanga ari mumwe munhu akanzi naMwari 'asina chaangapomerwa uye akarurama' (Jobho 1:8), asi Jobho akaona zvichibatsira kuzvipira nezvechivi ichi. Tinogona kukurudzirwa kuti Mwari anokudza vana vanoda kukunda chivi chavo! Rumbidzai Mwari nokuti ndiye anoita kuti tive vasina chavanopomerwa uye vakarurama!

## Kuvandudza Pfungwa Dzedu

### HURUKURO MUBOKA GURU

Zvino ngatitarisei matanho o matatu ekuvandudza pfungwa dzedu.

4. **Namata Zuva neZuva (MIFANANIDZO INOBATSIRA)** Mufananidzo: maoko achinamata)

Hatingagoni kukunda chivi nekuedza kwedu tega. Kunyange muapostora Pauro akati muna VaRoma 7:19-20: 'Nokuti zvakanaka zvandinoda kuita handiiti, asi zvakaipa zvandisingadi kuita, ndizvo zvandinoramba ndichiita. Zvino kana ndichiita zvandisingadi kuita, handisiri ini ndinozviita, asi chivi chinogara mandiri ndicho chinozviita.'

Tinoda rubatsiro rwaMwari kuti tibvise chivi mumwoyo yedu. Sezvo tichiziva kuti tichasangana nemiedzo zuva nezuva, zuva nezuva tinofanira kugadzirira nokunyengeterera kubatsirwa naMwari. Izvi zvinotiyeuchidza kutsamira kwedu pana Mwari uye nekuzvipira kwedu kwaAri. Tinofanira kutevedzera nyevero yaJesu kumudzidzi wake Mateo kuti: 'Rindai uye nyengeterai kuti murege kupinda mumuedzo.' (Mateo 26:41) Tinofanira kutevedzera nyevero yaJesu kumudzidzi wake Mateo.



Kunyengetera nguva dzose kunotiita kuti tibatane noUyo ane simba rokukunda chivi chedu. Akatokunda chivi nerufu, saka tinogona kuvimba naMwari kuti akunde chivi muhupenyu hwedu pachedu!



5. **Kuzvidzora muMafungiro (MIFANANIDZO INOBATSIRA)** Mufananidzo: furo remufungo rinezvidodzi zvisina chinhu)  
Chivi chese chinotwa kaviri—kamwechete mupfungwa uye kechipiri mumaitiro edu. Naizvozvo, tinofanira kutanga tadzora mirangariro yedu kuti tidzivise mufungo wokutadza kuva chiito chokutadza.

Verenga ndima dzinotevera:


VaRoma 12:2: 'Musazvianzanisa nemaitiro enyika ino, asi shandurwai nokuvandudzwa kwepfungwa dzenyu. Ipapo muchakwanisa kuedza nokuziva kuda kwaMwari—kuda Kwake kwakanaka, kunofadza, uye kwakakwana.'

Vakorinde vechipiri 10:5b: "...tinotapa mifungo yose kuti iteerere Kristu.

VaFiripi 4:8: "Pakupedzisira, hama dzangu, zvinhu zvose zvechokwadi, zvose zvinokudzwa, zvose zvakarurama, zvose zvachena, zvose zvinodikanwa, zvose zvinoyevedza, kana paine chinhu chakaisvonaka kana chinorumbidzwa, fungai pamusoro pezvinhu zvakadai.

Tinotapa sei kufunga kwose'? Patinoziva pfungwa yechivi (somuenzaniso, kugununa kuti, 'Ndinoshanda nesimba uye mhuri yangu haitende zvose zvandinovaitira.'). tinogona kureurura kuna Kristu nokukurumidza tosarudza pfungwa itsva (somuenzaniso, 'Ndinosarudza kushanda ndiri pana Mwari uye nokuda kwembiri Yake handingatirisi kutendwa kubva kumhuri yangu, asi ndichatsvika kufadza Mwari nebasa rangu nemafungiro angu.'). Zvose izvi zvinogona kuitika nechinguvana, sezvaunoenderera mberi nezuva rako. Dzokorora izvi kakawanda apo pfungwa dzechivi dzinomuka—Mwari haamboneti kutikanganwira nokutibatsira.

6. **Ziva Magwaro neMusoro (MIFANANIDZO INOBATSIRA)** Mufananidzo: furo remufungo rine bhuku rakavhurwa mukati)  
Kuziva shoko nemusoro kunotibatsira pakudzora kufunga kwedu uye kuchengeta chokwadi nguva dzose mupfungwa dzedu. Pose patinotanga kufunga mifungo yakaipa, tinogona ipapo kudzorora mavhesi atakabata nomusoro kuzadza pfungwa dzedu panzvimbo nezvokwadi. Nenzira iyi, 'tinovandudza pfungwa dzedu' nokubvisa zvakaipa tozvitsiva nezvakanaka.



Jesu paakapinda mugwenga uye Satani akauya kuzomuedza, Jesu akatora magwaro kuti akunde miedzo yaSatani yekuita chivi. Pisarema 119:11 inoti, 'Shoko renyu ndakariviga mumwoyo mangu kuti ndirege kukutadzirai.'

Bhaibheri rinojekesa kuti kuziva magwaro nemusoro kunotibatsira kukunda chivi. Tinogona kugara tichiwana chikamu chakakodzera chemagwaro chine chekuita nechivi chatiri kuedza kukunda. Kana usingazivi kwokuwana magwaro, bvunza mufundisi kana imwe shamwari ingakutungamirira. Ziva magwaro nemusoro, uye achakubetsera kukunda muedzo kana wauya.

### **CHIITO MUBOKA GURU**

**Mirairo KuMudzidzisi:** *Simudza mufananidzo uye ita kuti kirasi ishevedzere kuti unomiririra danho ripi. Semuyenzaniso, simudza mufananidzo weruoko rune dodzi dema uye vatori vechikamu vanodaizira, 'Ziva chivi chacho!' Unogona kuchengeta zvibodzwa kana uchida kuti zviwedzere kukwikwidza: munhu wekutanga kusheedzera danho kuti mufananidzo unomiririra anohwina poindi!*

## **Mhedziso**

---

Tose tine zvitadzo mumwoyo yedu. Hapana mumwe wedu asina chaangapomerwa uye akachena. Kusachena kwechivi chedu kwakafanana netsvina yatakaona mumunyu: chivi chinobvisa kuvavira kwedu. Mwari anoda kukanganwira zvivi zvedu uye kutibatsira kubvisa chivi muupenyu hwedu. Kubvisa chivi muupenyu hwedu kunoita kuti tive munyu zvakare uye kunoita kuti tive neunyanzvi mukuita Mabasa erudo munharaunda dzedu.

Kukunda chivi kubva muhupenyu hwedu kunoda kudzidzira uye kushanda. Taona nhasi kuti kukunda chivi kunoitika nekutanga kubvisa chivi uye tozovandudza pfungwa dzedu. Aya maitiro anatora nguva, asi kurudzirwa. Jesu akatokunda chivi nerufu! Simba rake rinogona kukunda chivi muhupenyu hwedu zvakare.

**Mirairo KuMudzidzisi:** *Pamunopedza chidzidzo, kumbira mumwe munhu kuti anamate kuti Mwari abatsire boka kubvisa zvitadzo zvaanoratidza kwavari zvaanoda kuvabatsira kukunda. Namatai zvakananyanya kuti izwi Rake nehupenyu Hwake huvandudze pfungwa dzedu dzese kuti dzizadzwe nechokwadi nerudo Rwake.*

# Chidzidzo chechishanu: Kutsiva Chakaipa neChakanaka

## Pfungwa Huru:

- Kutsiva tsika dzakaipa netsika dzakanaka kunodiwa kuti tikunde chivi muhupenyu hwedu.
- Tinofanira kutora matanho ekukunda chivi kuti tive semunyu nechiedza munharaunda dzedu.

## Zvekushandisa:

- Mifananidzo Inobatsira: Mifananidzo yeMatanho rechitanhatu kusvika rechipfumbamwe (matatu pamwe chete)
- Mifananidzo Inobatsira: Chati reKukunda Chivi (risina chinhu) – dhinda rimwechete pamunhu wega wega arikutora chikamu
- Bhuku reMudzidzi Raungasarudza Kushandisa (SG)
  - Chati reKukunda Chivi – muenzaniso wekunyunyuta nemachati asina chinhu

## Nhanganyaya

Muchidzidzo chakapfuura, takatamba mutambo wokutiyeuchidza kuti TOSE tine chivi mumwoyo yedu. Takaona kuti tinofanira kukunda chivi nekuchibvisa uye nekuvandudza pfungwa dzedu. Zvino tichatarisa kuti tingatsiva sei tsika dzakaipa dzenzira dzedu dzechivi.

## CHIITO MUBOKA GURU

**Mirairo KuMudzidzi:** Nyaya iyi inogona kungoverengwa zvinonzwika, kana kuita semutambo vatori vechikamu vachitamba chinharirire paunenge uchiverenga nyaya.

Inzwa nyaya iyi...

*Kwakanga kune mumwe murume akanga achivaka imba. Pese paaiwana mari yaikwana, aiishandisa kuvaka imba yacho zvisvima panguva. Imba yacho payakangopera, akaronga kutamisa mhuri yake kuti igaremo. Haiwa, akamirira sei zuva iroro! Paingova nedambudziko rimwe chete: sezvo aigara chinhambwe, akanga asiri pedyo kuti atarisire imba itsva zuva nezuva. Izvi zvakaita kuti murume uyu aomerwe.*

*Pakutanga, apo madziro akanga asati apera, dzimw e nguva aiuya kumba kuya achisvikowana mbudzi nehuku zvomuvakidzani zvakanga zvafura kunze nemukati memba. Iri rakanga risiri dambudziko guru, asi rakakonzero nyonganyonga. Murume akapedza madziro ndokuvhara mukova kuti mhuka dzisapinda.*

*Kwapera mavhiki akati, akauya kuzogadzira imba yacho ndokuoona kuti imwe mhuri yemakonzo yakanga yavaka dendere pakona. Akabvisa makonzo uye akapedza denga remba, achitarisira kuti izvi zvaizotadzisa makonzo kupinda.*

*Nguva yakatevera, akasvika pamba pacho ndokuwana kuti boka rezviremwaremwa rakanga ragara mudenga idzva! Akabvisa zviremwaremwa kubva mudzimba uye akavhara pekupinda napo pazvo.*

*Zvakare, akasvika pamba pacho akawana kuti mumwe muvakidzani akanga ashandisa imba yacho kutanga bhizimisi rake duku rokutengesera varume vomumusha wacho doro romumusha. Nehasha dzekuti midziyo*

yake yaishandiswa pasina mvumo yake, akarayira mukadzi uyu kutamisa bhizinesi rake. Akasunga gonhi nekiyi ndokupinda munzira.

Mwedzi yakati yapfuura. Murume uya akasvikazve pamba achiona kiya yakanga yapazwa uye gonhi rakanga rakaremba pamahinji aro. Mutorwa akanga aita imba yacho nzvimbo yake yokuzororera. Murume ane chisimba uye chidhakwa, akanga akuvadza mukati memba uye aityisidzira kuda kurova muridzi wemba. Muridzi wacho akatotsvaga mapurisa munzimbomo kuti munhu wacho abviswe.

Pakupedzisira, murume wacho akaziva kuti, chero bedzi imba yake yasara isina chinhu, chimwe chinhu chaizozadza. Akaziva kuti akasarudza chaizozadza imba yake, hapana mubvunzo kuti yaizozara nezvipembenene zvisingafadzi uye vanhu vasina kunaka. Akasarudza kuti anofanira kuzvisarudzira maroja ake: murume nomudzimai vakanyarara vaizochengeta imba duku iyi zvakanaka kutozovikira mhuri yake yakugona kugaramo.

Mwedzi yakafamba murume ndokudzoka kunopedzisa nhanho dzekupedzisira dzekugadzira imba. Akafara kuwana kuti vaviri vacho vakanga vachengeta imba yacho iri mumugariro wakaisvonaka! Suo rakanga rakakotsekana pamahinji aro, mahwindo akanga akaturikwa zvakanaka namachira akapfava kuti pasava neguruva, vaichengeta mukati musina zvipembenene, uye kunyange chivanze chakatsvairwa!

- Chii chakaitika apo imba yakasara isina munhu?
- Muridzi akaitei kuti adzivise tumbuyu nevanhu vasingadiwi?
- Tinodzidzei munyaya iyi?

Murume ari munyaya iyi aigara achibvisa tupukanana ndokuvandudza imba yake nokuichenesa nokuzvidziva kudzoka, asi nguva imwe neimwe yaaidzoka, aiwana chimwe chipembenene! Aifanira kupedza danho rokupedzisira rokukunda zvipembenene, iro rakanga riri rokuzadza imba nokuchenjera uye kutsiva twupukanana nemugari akanaka.

Mwoyo yedu nepfungwa dzedu zvakananana neimba yemurume uyu. Kazhinji tinokunda nzvimbo imwe chete yechivi tozona kuti muedzo mutsva wauya. Kufanana nemurume ari munyaya, tinofanira kupedzisa nzira yekukunda chivi muupenyu hwedu nekutsiva tsika dzakaipa nemaitiro akanaka. Kuzadza mwoyo yedu nepfungwa dzedu nechokwadi chaMwari uye rudo ndiyo dziviro yakanakisa kubva kuchivi chinouya kuzogara zvakare mumwoyo yedu.

Ngatidzidze nezvematanho matatu ekupedzisira ekukunda chivi.


**Mirairo KuMudzidzisi:** Kurumidza kudzorora matanho matanhatu adzidzwa muchidzidzo chapfuura panguva ino. Dzidzisa pfungwa dzinotevera sematanho matanhatu ekutanga: nyora matanho paposita uye suma mufananidzo wega wega usati waenda kune imwe pfungwa.

## Kutsiva Zvakaipa neZvakanaka

### HURUKURO MUBOKA GURU

7. Tiza muedzo (**MIFANANIDZO INOBATSIRA** Mufananidzo: munhu ari kutiza dodzi dema)


Kukunda chivi kwakananana nehondo. Muhondo, unofanira kuziva muvengi wako. Kukunda chivi hakuna kusiyana. Tinofanira kuziva zvatiri uye kuziva kusasimba kwedu. Jakobho 4:7 inoti, **"Naizvozvo, zviise pasi paMwari. Dzivisa dhiabhorosi, agokutizai".**



Nzvengai muedzo. Kana uine dambudziko rekunwa, usaende kubhawa kunotandara neshamwari dzako. Kana dambudziko rako riri godo rega zvinhu zvinokuitisa godo kusvika wadzidza kugutsikana nezvose zvawakapihwa naMwari. Kurudzirwa nemashoko ari pana VaKorinde vekutanga 10:13: *'Hapana muedzo wakakubatai kunze kweinozivikanwa nevanhu vose. Uye Mwari akatendeka; Haangakuregei muchiedzwa kupfuura zvamunogona kutsungirira. Asi kana muchiedzwa, achakupaiwo nzira yokubuda nayo kuti mugone kukunda.'*


8. **Dzidzira maitiro matsva (MIFANANIDZO INOBATSIRA)** Mufananidzo: munhu ane dodzi dema achitsiviwa nedodzi rakajeka)

Munzvimbo yetsika dzedu dzekare dzokutadza, tinofanira kutanga kukudziridza maitiro mitsva. Somuenzaniso, kana ndikapfida kutsamwa pandinouya kumba ndokuwana mudzimai wangu asati abika zvokudya, ndinogona kuita tsika yokubvunza kuti tingabatsira sei kuita basa racho uye kutsvaka nzira dzokumubatsira nadzo. Kana ndakasarudza kurega kusangana neshamwari pabhawa manheru oga oga, ndinogona kuva netsika yekushandisa nguva iyoyo nevana vangu. Kana ndiine chinetsa chekunyunyuta kana kuti kugumbuka, ndinogona kutanga maitiro manheru oga oga wokududza zvinhu zvitatu zvandinonyanya kutenda nokuda kwazvo pazuva racho.



9. **Kuzvidavirira (MIFANANIDZO INOBATSIRA)** Mufananidzo: vanhu vaviri vanotsigirana vane madodzi akajeka pachipfuva)  
Izvi zvakakosha kuti ubudirire mukukunda chivi!

Apo patinoita sarudzo dzakanaka uye nekukudziridza tsika dzakanaka dzekudzivisa chivi, zvinova nyore kukunda chivi panguva inotevera yacho. Pese patinoita sarudzo yakanaka, zvinova nyore. Kuva netsika yekuita sarudzo yakanaka kuri nyore kana ukazviita pamwechete nemumwe munhu achakubatsira nekukukurudzira. Tsvaga mumwe munhu achaita kuti uzvidavirire tsika yako yakanaka yaunoda uye akurudzire nekukusimbisa kana iwe ukaita sarudzo dzakanaka patsika iyoyo.



Sezvo kukunda chivi kwakaoma, tinoda shamwari imwe kana mbiri dzinogona kutibatsira mukurwisana kwacho. Shamwari idzi dzinofanira kuva vatendi vanogoverana nekuzvipira kwedu pakudzidziswa muhutsvene. Naivowo vanofanira kunge vachishanda kuti vakunde chivi muupenyu hwavo uye vanofanira kuva nechido chokugoverana newe pamusoro pematambudziko avo.

## DZAMISA PFUNGWA

Verengai Muparidzi 4:9–10.

*'Vaviri vari nani pane mumwe chete, nokuti vane goho rakanaka rebasa ravo: Kana mumwe wavo akawira pasi, mumwe anogona kusimudza mumwe. Asi nzwirai tsitsi ani naani anowa uye asina anomusimudza.'*

- Namata uye kumbira Mwari kuti vakuratidze munhu waungasangana naye nguva nenguva kuitira munamato nekurudziro apo munoshanda mese kukunda chivi nemuyedzo.

**CHIITO CHEBOKA (kune vanoda):** *Kana boka renyu richigona kunyora uye richiziva kutarira magwaro, munogona kuumba mapoka maduku kuti mutarise ndima dzinotevera dzinopindura mubvunzo: 'Ndedzipi dzimwe nzira dzatingabatsirana nadzo muhondo yekurwisana nechivi?'*

- Vakorose 3:16 – kudzidzisa nokurayira
- VaHebheru 3:13 – kukurudzira
- Jakobho 5:16 – kureurura nekunamata

- VaGaratiya 6:2 – kutakurirana mutoro
- VaEfeso 4:29 – vakanai mumwe nomumwe maererano nezvaanoda

## Kudzidzira Kukunda Chivi

### CHIITO MUBOKA DUKU (SG)

**Mirairo KuMudzidzisi:** Govera Chati Rekukunda Chivi MIFANANIDZO INOBATSIRA kumunhu wega wega. Ratidzira kuboka rose kuti nhanho imwe neimwe yematanho mapfumbamwe ingashandiswa sei kukunda chimwe chivi (kunyunyuta muenzaniso unoratidzwa pamufananidzo panoperera chidzidzo chino).

- Ndezvipi zvitadzo zvina kana zvishanu zvinonyanya kuitika munzvimbo iyi?

**Mirairo KuMudzidzisi:** Mushure mekunge boka raona zvivi zvina zvinowanzoitika munzvimbo, moparadzana multe mapoka mopoka movapa rimwe nerimwe chimwechete chezvivi izvi kuti vakurukure. Ita kuti mapoka ataure pamusoro penhanho imwe neimwe yechivi ichocho. Bvunza rimwe boka diki kuti ritaure kuti vafamba sei nenhanho imwe neimwe yechivi chavo chavapihwa.

- Shandisa **MIFANANIDZO INOBATSIRA:** Chati yeKukunda Zvivi kuti ufunge nezve mashandisiro aungaita imwe neimwe yeaya matanho mapfumbamwe kuti ukunde chimwe chezvivi zvinowanztaurwa.

### DZOKAI NEMHINDURO



## Mhedziso








### DZAMISA PFUNGWA

Namata uchikumbira Mwari kuti vakuratidze chivi chavanoda kuti ukunde. Tora nguva shoma yekumuteerera chinyararire kuti lye aunze chimwe chinhu mupfungwa dzako. Zvino mukumbire kuti akubatsire kutevera matanho ekuchikunda.

### KUKUNDA CHIVI (SG)

#### MUFANANIDZO – Kunyunyuta

MATANHO	MUFANANIDZO	CHIVI
BVISA CHIVI		
1. Ziva Chivi Chacho		Kunyunyuta
2. Reurura uye uKanganirwe		Ndinoreurura kuti ndinonyunyuta pamusoro pokushanda nesimba. Ndinokumbira kuti mundiregerere nekunyunyuta.

3. Tendeuka		Handidi moyo unonyunyuta. Pane kunyunyuta, ndinoda kutaura zvakanaka uye kutenda nezvandinazvo.
KUVANDUDZA PFUNGWA DZEDU		
4. Kunamata Zuva rimwe nerimwe		Ndinoda kubatsirwa nhasi kuti ndisanyunyute. Ndapota ndibatsireiwo kuti nditende uye ndishande ndichifara.
5. Kuzvidzora Mupfungwa Dzedu		Pandinonyunyuta, ndinofunga nezvangu chete. Pane kudaro, ndinoda kufunga kuti basa riri pamberi pangu ringashandiswa sei kukudza Mwari. Ndinoda kufunga nezvake pachinzvimbo changu.
6. Ziva Magwaro nemusoro		VaFiriipi 2:14 'Itai zvinhu zvose musinganyunyuti kana kukakavara.
KUTSIVA CHAKAIPA NECHAKANAKA		
7. Tiza Muedzo		Ndinogara ndichinyunyuta kana ndina _____. Ndoda kusapedza nguva naye kana kumuudza kuti handichadi kunyunyuta.
8. Ita Maitiro Matsva		Pandinoedzwa kunyunyuta, ndichafunga nezvezvinhu zvitatu zvandinotenda nazvo. Ndichatenda Mwari kuti vanogona kushandisa mamiriro acho kupihwa mbiri.
9. Kuzvidavirira		Ndichaudza ____ nezvechishuwo changu chekukunda kunyunyuta. Ndichamukumbira kuti ndizvidavirire, uye kana abvunza pamusoro peizvi, handingaedzi kuvanza zvitadzo zvangu kana kuzviita kuti ndiite sendiri nani. Ndichatsvagawo kubatsira _____ kukunda zvitadzo kana akanditendera kuti azvidavirire kwandiri.

# Chidzidzo chechitanhatu: Kuva Kereke yeMunyu neChiedza

## Pfungwa Huru:

1. Makereke edu anorairwa kuti ave munyu nechiedza kunharaunda dzedu.
2. Nesimba raMwari kereke yemunyu nechiedza inogona kushandura nharaunda yavo.

## Zvekushandisa:

- Bepa rekushambadza kana chidziro chekunyorerera.

## Nhanganyaya

Chimbofunga kuti mumwe munhu aenda musango kunotora huni. Anorasika murima, otsvaka nzira yokudzokera kumusha. Anoona kupenya kwemoto nechekure achibva ananga kwauri, asi achifamba achitarisira obva aona kuti haachaoni chiedza chiya. Anodzungaira, achienda kure uye kure nemusha, kusvikira arasika zvachose mangwanani.

- Chii chaikwanisa kuti murume uyu asvike kumba?
  - *Dai akaona chiedza chemoto chigoramba chiripo angadai akaziva kwekuenda. Hupenyu hwake hungadai hwakaponeswa.*
- Jesu paakadana kereke yake kuti 'chiedza chenyika' – unofunga kuti aida kuti tivheneke chiedza pane imwe nguva, apo neapo, kana kuti nguva dzose?

Sekereke yemunyu nechiedza, mabasa edu akanaka anovhenekera chiedza cherudo rwaMwari. Tinofanira kuita kuti chiedza ichi chirambe chichipenya!

## Nemhaka Yei Tichifanira Kubatanidzwa Pakushumira Vamwe?

Muzvidzidzo zvitatu zvinotevera tichatarisa kuti tingave sei kereke iri munyu nechiedza munharaunda yedu.

### HURUKURO MUBOKA DIKI

Mumapoka maduku fungai nezvezvikonzero zvakanwanda sezvinobvira kuti nei vaKristu nekereke vachifanira kubatanidzirwa mukushumira nekubatsira varombo. Edza kufunga shure pazvidzidzo zvose zvawakadzidza kubva kuBhuku rekutanga kusvika zvino. Kana zvichiita, edza kuyeuka mamwe mavhesi chaiwo.

### DZOKAI NEMHINDURO

**Zvinyorwa zveMudzidzisi:** Kana mapoka achinge apedza kugoverana zvinyorwa zvawo zvavanyora, wedzera zvinotevera kana ukaona zvisipo pane zvavanyora.

- *Mwari akatuma Jesu kuti azofa kuzoyananisa hukama hutatu hwakaputswa pakatadza Adhamu. Ukama hwedu naMwari, ukama hwedu nomumwe nomumwe, uye ukama hwedu nezvisikwa. Takadaidzwa kuhushumiri hwekuyanana — kuunza kuporeswa pakuhukama hwese hutatu uhu.*
- *Vanhu vanokosha kuna Mwari—zvokuti Akatuma Mwanakomana Wake kuti azovafira. Kana Mwari achifunga kuti vanhu vakakosha zvekuti aizovafira saka isu tinofanirawo kuva nehanya nevanhu.*
- *Muna Isaya 58 Mwari vakati vakanga vasiri kupindura minamoto yekereke nekuti vakanga vatadza kuchengeta chirikadzi nenherera.*

- *Jesu kana kuti Pauro pavakapfupisa Testamente Yekare, katatu vakaita saizvozvo nedzidziso yokuti tinofanira kuda Mwari uye kuda muvakidzani wedu. Katatu chete nedzidziso yekuti tinofanira kuda muvakidzani wedu. Kunyange zvazvo kuda Mwari kuchikosha zvikuru, katatu Bhaibheri rinongoti tide muvakidzani wedu—nokuti ndiwo maratidziro atinoita rudo kuna Mwari.*
- *Mumufananidzo womuSamaria Akanaka, muSamaria Akanaka bata zvakanaka murume akanga arohwa uye akamupa rubatsiro rwakafanira; haana kumuparidzira mharidzo.*
- *Mukudzidzisa kwemakwai nembudzi, Jesu akadzidzisa kuti tinofanira kupa zvokudya kune vane nzara, zvokunwa kune vane nyota, kushanyira vanorwara kana kuti vari mujeri, uye kupfekedza vasina kupfeka. Patinozviita kune mumwe munhu, zvinoita sekunge tiri kuzviitira Kristu.*
- *Takadanwa kuvaka humambo hwaMwari. Izvi zvinoreva kuti tinoda kuti vanhu vazhinji vave maKristu uye tinoda kuti maKristu awedzere kuteerera Mwari munzvimbo dzese dzehupenyu hwavo.*
- *Mwari akavimbisa kuti, kana tikamuteerera, achatikomborera. Akatipa nhungamiro dzokutevera dzichatibatsira kuvandudza upenyu hwedu. Tinofanira kuteerera kwaari.*

Torai nguva yekufunga:

- Unotenda here kuti chinhu chinodiwa uye mutoro wechechi kubatsira varombo uye kuratidza rudo kunharaunda yavo?

Zvakakosha kutenda kuti kuchengeta varombo nekushandura nharaunda dzedu hazvisi zvekusarudza. Chimwe chezvazvinoreva kuva muKristu uye nzira yatinoratidza nayo kuda kwedu Mwari.

## Mwari Anotidana kuti Tive Vakatendeka Vuhupenyu hwedu hwese

---

Kereke yeTesaronika (guta reMasedhonia) yakava muenzaniso kune mamwe makereke munharaunda yeMasedhonia.

Verengai VaTesaronika vekutanga 3:11-13; 4:1, 9-10

- Nemhaka yei Pauro achirumbidza vatendi? (*nekuda kweMabasa avo eRudo*)
- Anovanyengerera, uye anovakurudzira kuitei? (*kuwedzera rudo rwavo, zvakananyisa*)

Verengai VaKorinde vechipiri 8:1-5

- Nemhaka yei Pauro achitaura kuti vaTesaronika vaida kupa zvikuru? (*Vaipa kuna Mwari uye nevamwe*)

Dheturonio 5:32-33

- Unofunga kuti sei munyori achishandisa izwi rekuti “famba” paanotsanangura kuteerera? Chinangwa chake ndechei? (*usamire, ramba uchiteerera*)
- Kana tikateerera murayiro waMwari wokuda vavakidzani vedu pazvinenge zvichitiitira chete, tiri kufamba mukuteerera here? (*kwete*)

## Musha Washandurwa

---

### HURUKURO MUBOKA GURU

Sezvataona, zvinokosha kuti tirambe tichitevera murayiro waMwari wokuda muvakidzani wedu. Inzwa nyaya yechechi iyi yakashandisa zvidzidzo zveTCT zvawanga uchidzidza. Tora nguva yekufunga zvavakaita uye kuti zvakakonzero chii.

**NYAYA YECHOKWADI – Musha Washandurwa**

Kune musha uri munzvimbo iri kure. Wakaiswa kure mumakomo uye uri nyore kwazvo. Vanhu vemumusha uyu vaigadzira waini yemupunga nekurima nekuputa fodya. Vaisawanzoshanda, asi vaiwanzodhakwa newaini yemupunga yavaigadzira. Utsanana mumusha hwakanga hwakaipa zvikuru; vaigeza kamwe chete pamwedzi, vaisawanzogeza maoko avo, uye vakanga vasina zvimbudzi. Zvipfeko zvavo zvakanga zvakasakara, uye vana vaipfeka zvishomanana zvikuru.

Paupfumi musha wacho wakatambura. Pakanga pasina mugwagwa chaiwo pakati pavo nomugwagwa mukuru—paingova nzira yokufamba nayo. Nekuda kweizvi, vanhu vaigona kungotengesa goho ravo rakawanda sezvavaikwanisa kubereka kumisana yavo munzira refu kuenda kumusika. Sezvo vakanga vasingakwanisi kutengesa zvakanwanda nekuti vaisava nezvekutakurisa zvirimwa zvacho nemhaka yekushaya mugwagwa, vakaita shunga shoma yokurima zvirimwa zvakanwanda muminda yavo.

Vanhu vomumusha uyu vaiva vaKristu, asi vakanga vasina kudzidza zvakanwanda nezvaMwari. Vakanga vasina mutungamiriri wekereke, uye hakuna vafundisi vaizoenda kunzvimbo yacho nokuti migwagwa yakanga isingafambiki. Kuti ushanyire waifanira kusiya mudhudhudhu wako mumugwagwa mukuru uye wofamba kwemaawa matatu, uchitarisira kuti paunodzoka mudhudhudhu wako unenge uchiripo uye unenge usina kubiwa! Vakanga vasina nzvimbo yokusanganira, uye vakanga vasingakuri pamweya zvachose.

Kereke yakanzwa nezvechirongwa cheTCT ndokukumbira mutungamiri munharaunda mavo kuti avasanganise muzvidzidzo. Kwenguva refu hapana kana mumwechete wavarairidzi aida kuenda—rwakanga ruri rwendo rurefu uye rwakaoma zvakaaro. Uye kunyange pavakanga vafamba kuenda kumusha, tsika dzoutsanana dzakanga dzakaderera zvokuti vaiva nechokwadi chokuti vaizorwara. Zvisinei, Mwari akataura nomumwe wevarairidzi uye pakupedzisira akabvuma kuenda.

Kereke yakatanga kudzidza chirongwa cheTCT. Chimwe chezviringwa zvekutanga izvo Mwari akavadenha kuti vaite chaiva chokukudza nzira yekufamba nayo kubva kumusha kwavo kuenda kumugwagwa mukuru—chinhambwe chemakiromita gumi nomumakomo. Vakateerera Mwari uye vakakudza mugwagwa vachishandisa maturusi emaoko. Rakanga riri basa rakaoma zvikuru, asi Mwari akavakomborera. Nekuda kwemugwagwa uyu mitengo yezvirimwa yakakwira nekuti vakakwanisa kuunza zvirimwa izvi kumusika nekukasika zvichiri zvitsva. Mugwagwa muhombe waireva kuti vaigonawo kutengesa zvakanwanda—vakanga vasingachafaniri kutakura zvirimwa zvavo kumusana. Nemhaka yokuti zvino vaigona kuwana purofiti yakanaka, vakasundwa kushanda nesimba nekudhakwa zvishomanene. Vanhu vakatanga kushanda zvakanwanda muminda yavo, vachikura uye vachitengesa zvakaipetwa kagumi kupfuura zvavaisimboita!

Musha uyu hausisiri mumwe weisina kuvandudzwa, asi uri kuvandudzwa nekukurumidza. Nemhaka yokuti chechi yakashandisa zvidzidzo zveutano ndokuzvidzidzisa kunharaunda, munhu wose anoziva nzira yokurapa nayo zvirwere zvakaipetwa, uye munhu wose ane chimbudzi, uye bindu remuriwo. Chechi yakatanga chirongwa chekuvavenga nekunyora; ichiona chido chavo chokudzidza, hurumende yakavapa chikoro. Mwari vakavapafadzawo nemagetsi zvisinei nekuti misha mizhinji iri pakati pavo neiri pedyo nemagetsi haisati yave nemagetsi.

Musha uyu muenzaniso kune vakawanda kwazvo vakavapoteredza wenzira iyo Mwari anounza zvikomborero apo vanhu vake vanoteerera nokutendeka kumurairo wake wokuda vamwe. Pavakabvunzwa mushure memakore matatu kuti mangani Mabasa eRudo avakanga vaita, havana kukwanisa kuvavenga. Kunyangwe pavakabvunzwa kuti mangani mumwedzi mitatu yapfuura, anga akawandisa kuti anyorwe. Pane kudaro vakatsanangura kuti vanoita rimwe kana maviri Mabasa eRudo pavhiki uye ikozvino chikamu chemararamiro avo. Kana vakaona chimwe chinhu chinoda kuitwa, vanoenda kunochiita!

- Chii chakave mugumiro chakakonzerwa neMabasa eRudo pamusha uyu?

- Kereke imwechete, ine ruzivo rushoma pamusoro paMwari, yakakwanisa sei kushandura musha wayo wose?
  - *Vakaita zvavakaraidzwa naMwari kuti vaite.*
  - *Vaishingaira kushandisa zvavaidzidza.*
- Kereke iyi ingashumira nenzira ipi pamafungiro kukereke yenyu kuti ibatsirike?

## Kuunza Shanduko

---

### HURUKURO MUBOKA GURU

Makereke akaona shanduko dzinoshamisa zvikuru munharaunda dzawo ikereke dzakazvipira kuita marudzi ose eMabasa eRudo—makuru kana maduku—uye kuaita nguva dzose, zvakaadai mwedzi wega wega kana kuti kunyange muvhiki mbiri dzoga dzoga!

Ngatitarisei nzira ina dzatingaite sekereke kubatsira kuunza shanduko munharaunda dzedu.

**Mirairo KuMudzidzisi:** *Nyora mhando ina dzeMabasa eRudo pabhodhi kana kugadzira posita rekunamira uye koka vamwe kuti vazviverenge.*

1. **Mabasa eRudo seDungamunhu** – Munhu mumwechete anoshumira mhuri yake nevavakidzani.
2. **Mabasa eRudo eKereke kana Boka Diki** – Nhengo dzekereke dzinotora chikamu muchirongwa chinotora zuva rimwe kana maviri kuti chipere.
3. **Mabasa Makuru eRudo** – Mabasa makuru anotora mazuva anopfuura maviri uye anowanzobatanidza nhengo dzenharaunda kubva kunze kwekereke. (semuenzaniso: kugadzira mugwagwa)
4. **Dzidzo Inoenderera mberi** – Kupfuudza zvidzidzo zveTCT kune vamwe. Ichi Chiito cheRudo nekuti chinobatsira vamwe kudzidza hunyanzvi hwekuvandudza hupenyu hwavo.

### CHIITO MUBOKA DUKU

- Kereke yenyu yakatotanga kushandira nharaunda neimwe yenzira idzi here?
- Ndezvipi zvamaona zvasanduka munharaunda?
- Wakaona sei Mwari achikomborera kana kuwedzera mabasa enyu?

### DZOKAI NEMHINDURO

*Kana mapedza, koka mapoka madiki kuti vaye uchapupu hwavo kuboka rose.*

## Mhedziso

---

Tichipedza zuva ranhasi tinoda kuwana nguva yekutenda Mwari nekutibatsira kuti tisvike patasvika uye nekubata kwatakaita. Tora nguva yekutenda Mwari, sarudza dzimwe nziyo dzekunamata kana chero zvakaodzera kupemberera mukereke yenyu.

# Chidzidzo chechinomwe: Matanho Anotevera

## Pfungwa Huru:

1. Panoda Mabasa eRudo akasiyana siyana kana tichizoda kuona nharaunda yedu ichishanduka.
2. Munamato chikamu chakakosha pakuronga hurongwa hweChiito cheRudo.

## Zvekushandisa:

- Bepa rekushambadza reMhando dzeMabasa eRudo (gadzira bepa rekunamira kana kuti unonyora pachidziro chekunyora)
- Bepa rekushambadza Dzidzo Inoenderera Mberi (gadzira bepa rekunamira kana kuti unonyora pachidziro chekunyora)
- Bhuku reMudzidzi Raungasarudza Kushandisa (SG): Matanho eKuronga Mabasa eRudo

## Ongororo

---

### HURUKURO MUBOKA GURU

Ndiani angarangarira nzira ina dzekuunza shanduko dzatakatarisa muchidzidzo chekupedzisira?

1. **Mabasa eRudo seDungamunhu** – Munhu mumwechete anoshumira mhuri yake nevavakidzani.
2. **Mabasa eRudo eKereke kana Boka Diki** – Nhengo dzekereke dzinotora chikamu muchirongwa chinotora zuva rimwe kana maviri kuti chipere.
3. **Mabasa Makuru eRudo** – Mabasa makuru anotora mazuva anopfuura maviri uye anowanzobatanidza nhengo dzenharaunda kubva kunze kwekereke. (semuenzaniso: kugadzira mugwagwa)
4. **Dzidzo Inoenderera mberi** – Kupfuudza zvidzidzo zveTCT kune vamwe. Ichi Chiito cheRudo nekuti chinobatsira vamwe kudzidza hunyanzvi hwekuvandudza hupenyu hwavo.

Nhasi tichatarisa zvimwe zvatingaite kuti tishandise izvi mukereke yedu.

## Zvikamu zvina

---

Verengai Ruka 2:52.

- Pane angayeuke here zvikamu zvina Jesu zvaakura mazviri?
  - Uchenjeri, Panyama (Chimiro), Zvemweya (Kufarirwa naMwari), Kugarisana (Kufarirwa nemunhu)
- Ndeipi mimwe mienzaniso yezvinodikanwa zvinowira mune chimwe nechimwe chezvikamu izvi?
  - *Uchenjeri* – dzidzo, hunyanzvi hwekudzidza sekurapa hurwere kana kubata mari
  - *Panyama* – hutano, dzimba dzakagadzikana, kuchengetedzwa kwechikafu, mvura yakachena
  - *Zvemweya* – ruponeso, kukura pedyo naMwari
  - *Zvemagariro* – hukama hwewanano nevabereki, hukama hwenharaunda

**Mirairo KuMudzidzi:** Nyora zvikamu zvina izvi pabhodhi kana dzokororai pamwe chete kakawanda kusvikira boka rose radzidza nemusoro.

Izvi ndizvo zvikamu zvina zvakakura Jesu pazviri uye zvinoumbawo muenzaniso wekuti mhuri dzedu, nharaunda dzedu uye isu pachedu tinofanira kukura sei. Dzimwe nguva zvinokwanisika kuti munongoramba muchiita rudzi rumwe rweChiito cheRudo-semuenzaniso kungosangana nezvinodikanwa zvechikamu

chenyama kana kungosangana nezvinodikanwa zvechikamu chemweya. Asi kana tichida kuona nharaunda yedu ichishanduka, saka tinofanira kugadzirisa zvinodikanwa pazvikamu zvese zvina.

#### HURUKURO MUBOKA DIKI

**Mirairo KuMudzidzisi:** Kamuranai kuita zvikwata zvidiki. Ipa boka rimwe nerimwe zvikamu zviviri kubva pana Ruka 2:52—hafu yemapoka inofanira kuwana zveuchenjeri nezvepanyama, imwe hafu zvemweya nezvekugarisana. Kurukurai mibvunzo inotevera yezvikamu zviviri zvose zvavakagoverwa. Sezvamunopindura, taurai pamusoro pechikamu chimwe nechimwe.

- Ndezvipi zvimwe zvezvinhu izvo kereke yakatoita kare kuti ishumire muchikamu ichi?
- Ndezvipi zvimwe zvinodiwa zvatinoziva muchikamu ichi munharaunda yedu?
- Ndedzipi dzimwe pfungwa dzeMabasa eRudo dzatingaite kugadzirisa izvi zvinodiwa?

#### DZOKAI NEMHINDURO

### Dzidzo Dzinoenderera Mberi

---

#### HURUKURO MUBOKA GURU

Rudzi rwechina rweChiito Chorudo kubva parunyorwa rwedu i 'Dzidzo Inoenderera mberi.' Dzidzo inoenderera mberi itsika yakanaka kana tichizove kereke ine munyu nechiedza. Inoparadzira ruzivo rwedu kune vakatipoterredza kuitira kuti vanhu vazhinji varame sezvinodiwa naMwari.

Pane nzira dzinoverengeka dzatingadzidzisa nadzo nenzira inopfuurira mberi.

**Mirairo KuMudzidzisi:** Kumapoka anogona kuverenga, nyora izvi pabhodhi kana kugadzira posita rekunamira uye koka vamwe kuti vaverenge.

1. **Mharidzo nedzidziso kubva kuMufundisi** – Vafundisi vanowanzove vadzidzisi vanoremekedzwa mukereke nemunharaunda. Pamusoro pekuunza dzidziso dzemweya nekukurudzira kereke, panogona kuve nemikana yekudzidzisa pamusoro pehunyanzvi hwakafanana nekusimbisa michato kana kurera vana. Izvi zvinogona kuitwa panguva yemharidzo kana muchikamu chakasiyana mushure memharidzo.
2. **Chidzidzo Cheboka Diki** – Kudzidza tiri mumapoka maduku kunotibatsira kukura mumweya, kuzvidavirira kune mumwe nomumwe pakuita Mabasa eRudo ega ega, uye kushumira vavakidzani vedu pamwe chete seboka. Mapoka madiki inzvimbo huru zvakare yekudzokorora zvidzidzo zvawadzidza kuburikidza nemabhuku kana kupfuudza zvidzidzo kune vamwe vangave vasina kuzvinzwa. Munhu wese kubva kumapoka emadzimai kusvika kumapoka evechidiki anogona kubatsirwa nekunzwa zvidzidzo izvi.
3. **Makirasi Akarongeka enhengo dzese dzeNharaunda** – Unogona kugadzirisa zvidzidzo zviri mubhuku reHutano, Wanano neMhuri, uye Bhuku Rekushandisa Mari kuitira kuti zvigone kudzidziswa mushure memusangano wekereke kana mukati mevhihi. Izvi zvinobvumira maKristu nevasiri maKristu kudzidza pamwechete, kuvaka hukama uye kuvhura mikova yekudyidzana kwakawanda.
4. **Mikana Yekudzidzisa Isina Kurongwa** – Apo patinofamba muupenyu hwedu hwemazuva ose—kushanyira vanorwara, kushanda mumunda, kuchengeta vana vedu, kunwa svutugadzike neshamwari—tose tinokwanisa kugoverana zvatiri kudzidza neavo vakatipoterredza. Mumwe muenzaniso inhengo yechechi inogovera chidzidzo pakudya kwemasikati vhiki yega yega nevanhu vaanoshanda navo mumunda. Nzira yakanaka yekukurudzira kudzidzisa kusina kurongwa ndeyekudzidzisazve chidzidzo chimwe vhiki imwe neimwe kuchechei kuitira kuti vanhu vagochirangarira uye vagokwanisa kuchidzidzisa kune avo vavanosangana navo mukati mevhihi.

#### DZAMISA PFUNGWA UYE MUNAMATO

Tora nguva yekunamata uchibvunza Mwari mibvunzo iyi. Rangarira kuterera chinyararire kuti iye akuratidze chokwadi uye akupe pfungwa itsva.

- Kangani patinodzidzisa vamwe zvatakadzidza?
- Tingawedzera sei mikana yokudzidzisa? Pane mikana yekudzidzisa yatisati tamboona here?
- Mwari akatipa zvinhu zvipi kuti tikwanise kudzidzisa? Chii chatisina?

## DZOKAI NEMHINDURO

**Mirairo KuMudzidzisi:** Goveranai mazano. Koka vatori vechikamu kuti vakurudzirane nekutaura kuti vakaona sei dzidziso dzinoenderera mberi. Vako ke kuti vagoverewo zvikamu zvavasati vanyatsogona. Ipa kurudziro yekukura muzvikamu izvi.

## Maitiro eKuronga

---

### CHIITO MUBOKA GURU (SG)

Mirairo yeChiito:

1. Ndiri kuzoverenga nematanho ekuronga Mabasa eRudo.
2. Vese vanokwanisa, ndapota simukai.
3. Nguva imwe neimwe yaunonzwa ndichitaura shoko rokuti ‘namata,’ pfugama kana kukotamisa mabvi ako wopeta maoko ako, wobva wamira wakatwasuka zvakare.
4. Ngatidzidzirei pamwe chete.

**Mirairo KuMudzidzisi:** Verengai pamusoro pemisoro ine **mavara matema-tema**, uchisimbisa izwi rekuti “namata” pese paunoriverenga (Semuyenzaniso: ‘Chiverengo 1: Sangana Nguva Dzose... Nhamba 2: Namatai pamwe chete...Chiverengo 3: Ongorora zvinodiwa uye munamate...’); kirasi inopfugama nguva imwe neimwe. Dzokorora izvi kechipiri (kana kunyange chetatu!) Kumagumo, boka richange richisvetuka-svetuka mumunamato.

- Chii chakakosha pakuronga?
  - Kunamata!

Munogona kugara pasi zvino sezvatinoverenga imwe neimwe yeidzi pfungwa. (Kurudzirai munhu wose kutaura misoro pamwe chete. Zvadarwo verengawo tsananguro yacho, uye vakumbire kudzororora musoro wacho.)

1. **Sanganai nguva nenguva** – Sekereke, munofanirwa kunge muchisangana nguva nenguva kuti mutarise nezveMabasa eRudo kuti vanhu vasangobatikana nekukanganwa nezvavo. Edzai kusangana kamwe chete pamwedzi kuti munyengetere, kurukurai Mabasa Erudo, uye rongai.
2. **Namatai pamwe chete** – Kuburikidza nesimba raMwari nenjere chete tinogona kushandura nharaunda dzedu. Ibasa risingabviri kana Asipo, asi Naye tinogona kuita mutsauko zvechokwadi. Usambofa wakakanganwa kukosha kwomunyengetero; usanyengerwa kufunga kuti zviito zvedu zvakakwana pasina kunamata!
3. **Ongorora zvinodiwa uye namatai** – Munhu wese anofanira kuuya kumusangano akagadzirira kukurukura zvidikanwi zvaanoona zvakamupoterredza. Sezvaunofamba nezvava rako, unofanirwa kunge uchitsvaga zvinhu zvinoda kuitwa kana vanhu vanoda rubatsiro. Pamusangano, kurukurai zvinofanira kuitwa. Namatai pamwe chete kuti Mwari vakuratidzei zvamunofanira kuita uye vakubatsirei kuita hurongwa huchamuunzira mbiri.
4. **Itai hurongwa uye namatai** – Kazhinji, hurongwa hwacho hunofanira kushandisa zviwanikwa zvawakapihwa naMwari uye kugona kupedziswa munguva pfupi. Zvisinei, chinonyanya kukosha ndechekuti zvirongwa zvako zvitevedzere zvawakaradidzwa naMwari kuti uite. Bhaibheri rinotiudza kuti nzira dzaMwari hadzisi nzira dzedu, saka anogona kukuudza kuti uite chimwe chinhu chisina

musoro kwatiri nekuti chinozomuunzira mbiri kana achinge azviita. Zvakanga zvisina musoro kuti vanhu vemunyaya vatange nekugadzira mugwagwa — isu taiwanzopa zano kuti titange nebasa diki. Zvisinei, ipapo ndipo apo Mwari akavasunda kuti vatange napo, uye sezvavakaita, zvakava neshanduko inoshamisa pamusha wavo.

5. **Namatai mobva maita zvamakaronga** – Rongai zuva nenguva, uye nyorai pasi zvekushandisa zvinodiwa uye vanhu vanodiwa. Zvadaro itai hurongwa hwacho.
6. **Ongororai uye munamate kutenda Mwari** – Onai shanduko yakavepo uye ipai rumbidzo kuna Mwari nekukubatsirai kupedzisa basa.

**Rangarira:** Zviitwa zvidiki zvinoitwa kazhinji zviri nani pane chimwe chinhu chikuru chinoitwa kamwe chete. Zviito zvidiki zvinokutenderai kuti mubudirire. Kana nharaunda ichikuonai muchingogara muchiita zvinhu zvidiki kuti ushumire pane kungoita basa rimwe chete rakakura pagore, izvi zvine zvazvinoita. Chiito chimwe chikuru chichava chakanaka, asi zvino, kana vakasazoonza kereke ichiita chimwe chinhu kunharaunda zvakare, ichakurumidza kurasikirwa neshanduko yayo.

## Mhedziso

---

Muchidzidzo chedu chinotevera ticharonga mamwe Mabasa eRudo.

**Mudzidzisi:** *Kana muri kudzidza zvidzidzo izvi pasvondo rega rega iti:*

Tora nguva svondo rino kukumbira Mwari kuti vakuratidze zvimwe zvinodikanwa munharaunda zvingave zvichipindurwa neboka. Huya wakagadzirira kugovera zvawaona nezvanga zvichiratidzwa naMwari.

**Mudzidzisi:** *Kana wakanangana nechidzidzo chinotevera iti:*

Tisati taenda kuchidzidzo chinotevera, tarisa kumashure pane zvawakanyora kubva muchidzidzo chino. Ndedzipi dzimwe pfungwa dzawakava nadzo pakudzidzisa vamwe kana Mabasa eRudo akasiyana? Kumbira Mwari kuti vakuratidze kuti ndeipi yemazano aya avanoda kuti urangarire paunopinda muchidzidzo chinotevera.

# Chidzidzo chechisere: Hurongwa hweKuita zvatakaronga

**Pfungwa Huru:** Nemunamato uye nerubatsiro rwaMwari, tichaita chironzwa cheMabasa eRudo.

**Zvekushandisa:**

- Bhuku reMudzidzi Raungasarudza Kushandisa (SG): Matanho eKuronga Mabasa eRudo

## Kugadzira Hurongwa

---

### HURUKURO MUBOKA GURU

Ndiani anorangerira matanho ekuita hurongwa hwatakatarisa muchidzidzo chekupedzisira?

**Mirairo KuMudzidzi:** Kurudzirai boka kuti riedze uye riyeuke matanho akawanda sezvinobvira. Kana vapedza, vaverenge zvakare.

1. **Sanganai nguva nenguva** – Sekereke, munofanirwa kunge muchisangana nguva nenguva kuti mutarise nezveMabasa eRudo kuti vanhu vasangobatikana nekukanganwa nezvavo. Edzai kusangana kamwe chete pamwedzi kuti munyengetere, kurukurai Mabasa Erudo, uye rongai.
2. **Namatai pamwe chete** – Kuburikidza nesimba raMwari nenjere chete tinogona kushandura nharaunda dzedu. Ibasa risingabviri kana Asipo, asi Naye tinogona kuita mutsauko zvechokwadi. Usambofa wakanganwa kukosha kwomunyengetero; usanyengerwa kufunga kuti zviito zvedu zvakakwana pasina kunamata!
3. **Ongorora zvinodiwa uye namatai** – Munhu wese anofanira kuuya kumusangano akagadzirira kukurukura zvidikanwi zvaanoona zvakamupoterredza. Sezvaunofamba nezva rako, unofanirwa kunge uchitsvaga zvinhu zvinoda kuitwa kana vanhu vanoda rubatsiro. Pamusangano, kurukurai zvinofanira kuitwa. Namatai pamwe chete kuti Mwari vakuratidzei zvamunofanira kuita uye vakubatsirei kuita hurongwa huchamuunzira mbiri.
4. **Itai hurongwa uye namatai** – Kazhinji, hurongwa hwacho hunofanira kushandisa zviwanikwa zvawakapihwa naMwari uye kugona kupedziswa munguva pfupi. Zvisinei, chinonyanya kukosha ndechekuti zvirongwa zvako zvitevedzere zvawakaraidzwa naMwari kuti uite. Bhaibheri rinotiudza kuti nzira dzaMwari hadzisi nzira dzedu, saka anogona kukuudza kuti uite chimwe chinhu chisina musoro kwatiri nekuti chinozomuunzira mbiri kana achinge azviita. Zvakanga zvisina musoro kuti vanhu vemunyaya vatange nekugadzira mugwagwa — isu taiwanzopa zano kuti titange nebasa diki. Zvisinei, ipapo ndipo apo Mwari akavasunda kuti vatange napo, uye sezvavakaita, zvakava neshanduko inoshamisa pamusha wavo.
5. **Namatai mobva maita zvamakaronga** – Rongai zuva nenguva, uye nyorai pasi zvekushandisa zvinodiwa uye vanhu vanodiwa. Zvadaro itai hurongwa hwacho.
6. **Ongororai uye munamate kutenda Mwari** – Onai shanduko yakavepo uye ipai rumbidzo kuna Mwari nekukubatsirai kupedzisa basa.

Muchidzidzo chino tinoda kunyatsofunga kuburikidza neizvo Mwari vangave vachitikumbira kuti tiite pachinhambwe chinotevera. Kana ukarangerira nhau yeMusha Washandurwa, ucharangerira kuti shanduko yose yakatanga vachibvunza Mwari zvokuita uye, kunyange zvazvo basa racho rakanga riri guru—kuvaka mugwagwa—vakariita. Shanduko yakazoitika yakanga isingakarirwi: vakawedzera mihoro yavo nekagumi,

vakarega kunwa, uye vakava vakanangana nekufamba mukuteerera Mwari murutivi rwuri rwose rwoupenyu hwavo.

Saka ngatitangei nhasi nekunamata tichikumbira Mwari kuti vatiyeuchidze zvakare zvimwe zvezvinhu zvaangave achitikumbira kuti tiite. Kumbira huchenjeri Hwake apo paunotarisa mazita epfungwa dzaunoisa pamwechete muchikamu chezvikuva zvina' chechidzidzo chekupedzisira nezvawakaradidzwa naMwari pawaifamba famba svondo rino.

## MUNAMATO

**Mirairo KuMudzidzisi:** *Tungamira boka munguva yemunamato. Kana uchinge wakumbira kuti Mwari vakupe njere uye vakuratidze zvaunoda kuti usangane nazvo, wana nguva yekunyarara. Mushure memaminitsi angangoita mashanu ekunyarara, tenda Mwari kuti anoda kutitungamira.*

*Kumbira boka kuti rigovere kana paine pfungwa dzakauya mupfungwa dzavo pavaakanga vakanyarara. Kana zvisina kudaro, dzokorora zvinyorwa zvawanyora muchidzidzo chapfuura uye tarisa kuti uone kana paine chinyorwa chakanyanya kuita senzvimbo yakanaka yekutanga nayo. Batsira boka kusarudza chironzwa.*

## HURUKURO MUBOKA GURU

Zvino zvamasarudza chironzwa, ikozvino tichatora nguva kuronga. Funga nezve mibvunzo inotevera pamunenge muchiita hurongwa.

1. Muchaita riini basa racho?
2. Pane zviwanikwa zvinodiwa here? Muchazviwana sei?
3. Munofanira kukoka vanhu kuti vatore chikamu here? Ndiani achaita izvozvo?
4. Munoda mvumo yakakosha here? Ndiani achabvunza?

## Kuramba Wakatendeka

---

### HURUKURO MUBOKA GURU

Verengai Mateo 21:28-31.

- Chii chakaitika mundima iyi?
- Ndeupi mwanakomana akaita zvaidiwa nababa?
  - *Mwanakomana wechipiri. Mwanakomana wekutanga akanyaradza baba nemashoko ake asi akanga asina chinangwa chokuteerera. Mwanakomana wechipiri akanyatsoita zvaakakumbirwa nababa.*
- Izvi zvinorevei kwatiri?
  - *Tinofanira kuyeuka kuti hazvina kukwana kungoita zvirongwa chete; tinofanira kutevera pazviri kuona kuti zvafamba here.*

### HURUKURO MUBOKA GURU

- Pane here zvipingamupinyi zvingakumisai kuita hurongwa hwenyu?
- Chii chaungaita kuti ukunde zvipingamupinyi izvi?

## MUNAMATO

Tora nguva yekunamata, uchiisa zvirongwa zvako kuna Mwari uye uchikumbira rubatsiro rwavo mukuzadzisa.

## Mhedziso

---

### HURUKURO MUBOKA DIKI

Mumapoka maduku, onai kana muchakwanisa kuyeuka pfungwa imwe inokosha kubva muchidzidzo chimwe nechimwe.

- Ndezvipi zvimwe zvezvinhu zvaunoda kuita zvakasiyana zvawakufunga zvakauya kuburikidza nebhuku iri?

#### **DZOKAI NEMHINDURO**

Ngatitorei nguva yekutenda Mwari nezvese zvatadzidza muBhuku rino.

- Ndiani anoda kunyengetera achikumbira Mwari kuti akubatsire kushandisa zvawadzidza?

# Chidzidzo chechipfumbamwe:

## Kuunganidza Vanozvipira Kushanda

**Pfungwa Huru:** Tinofanira kukurudzirana kuita mabasa akanaka kuburikidza nekudzidzisa, kugadzira mikana, kukoka vanhu kuti vatore chikamu, kucherechedzwa, kushanda pamwe chete, pfungwa yekukosha, uye kufara.

### Zvekushandisa:

- Chidziro chekunyorerera nezvekunyoresa
- Mifananidzo Inobatsira: Nzira Nomwe dzeKukurudzira Kushumira –kopi imwechete paboka diki rega
- Bhuku reMudzidzi Raungasarudza Kushandisa (SG): Nzira Nomwe dzeKurudzira Kushumira
- Bhuku reMudzidzi Raungasarudza Kushandisa (SG): Kereke Inoshumira

**Mirairo KuMudzidzi:** Chidzidzo ichi chakanangana neVAKURU VEKEREKE vari muungano yenyu kuti vabatsirike kufunga kuti vangaite sei kuti vanhu vakawanda muungano yavo vabatanidzwe mukushanda mukereke kana kuita Mabasa eRudo.

### Nhanganyaya: Mararamiro eKushumira

---

#### HURUKURO MUBOKA GURU

Muna VaKorinde vekutanga 12 Pauro anotaura nezvemuviri wose. Anotiyeuchidza kuti TOSE tiri nhengo dzemuviri uye, kuti muviri ushande zvakanaka, nhengo dzese dzemuviri dzinofanira kunge dzichiita basa radzo. Zvakadaro mune mamwe makereke, zvinoita sekunge chikamu chekereke chiri kubatanidzwa mukushumira apo vamwe vese vakamirira kushumirwa. Muchidzidzo chino tichatarisa dzimwe nzira dzakasiyana dzekuti vanhu vakawanda vabatanidzirwe mukushumira kana kuita kuti avo vari kushumira varambe vachinzwa kukurudzirwa.

#### HURUKURO MUBOKA DIKI

Verenga VaHebheru 10:24: ‘Ngatifungeyi kuti tingakurudzirana sei kuti tive norudo nemabasa akanaka...’

- Ndedzipi dzimwe nzira dzamunoshandisa kukurudzira vanhu kuti vave nechekuita mukushumira? Ndeipi nzira irikushanda zvakanaka? Ndeipi nzira isiri kushanda zvakanaka?
- Ndedzipi dzimwe pfungwa dzamunadzo dzekuti vanhu vakawanda vatorewo chikamu?
- Chii chamungaita kuti mubatsire vanhu kuti varambe vachikurudzirwa?

#### DZOKAI NEMHINDURO

Muchikamu chasara chechidzidzo chino tichatarisa mazano manomwe akasiyana ekuti tingakurudzirana sei parudo nemabasa akanaka.

### Nzira Nomwe dzekukurudzira Kushumira (SG)

---

**Mirairo KuMudzidzi:** Paunenge uchiverenga imwe neimwe, nyora pachidziro chekunyorerera.

#### 1. Dzidzisa pamusoro pekukosha kwekushumira

Tinofanira kudzidzisa mumakereke edu nezvekukosha kwekushumira. Kana vanhu vedu vasingazivi nezvekudanwa kwaMwari kuti vashumire munharaunda dzavo, saka hatifaniri kushamisika kana vasingashumiri.

## 2. Gadzirai mikana

Nekuronga zvinhu zvakaita seMabasa eRudo, tinogadzira mikana yekuti vanhu vemukereke vabatanidzirwe mukushumira. Kune vamwe vanhu zvinonetsa kuona zvavanogona kuita, kunyanya zvisati zvave chinhu chakajairika muhupenyu hwekereke. Edzai kugadzira mikana yakasiyana-siyana iyo inogona kupindwa nemarudzi ose evanhu vane zvipo zvakasiyana-siyana. Torai nguva yekufunga nezvematarenda akasiyana-siyana mukereke yenyu uye kuti angabatanidzirwa sei. Kumbirai vamwe kuti vauye nemazano ezvingave zvichiitwa nekereke. Munogona kushamiswa nehunyanzvi hwavanahwo.

## 3. Kokai vanhu kuti vatore chikamu

Vanhu vazhinji vanogona kutadza kuzvipira kutora chikamu kusvikira mumwe munhu avakoka kuti vauye. Vanogona kunzwa kubva papurupiti kuti chii chiri kuitika, asi vanongofungidzira kuti vamwe vanhu mukereke vachazviita. Tarisai-tarisai kune avo vasinganyanyi kutora chikamu mukushumira uye, kana muine Chiito Cherudo kana mumwe mukana webasa unoenderana nehunyanzvi hwavo, torai nguva yekuvakoka.

## 4. Cherechedza uye tenda vanhu

Tese tinoda kucherechedzwa nekutendwa. Tarisai nekukasira kuna VaRoma 16-ndima refu yemazita uye rondedzero yezvinhu zvakaitwa nevanhu ivavo. Ungafungidzira here kuti vaya vanotaurwa mutsamba iyi vaizonzwa sei vachiziva kuti Pauro akanga aona kushanda nesimba kwavo uye akazvipa nguva yokunyora mazita avo pagwaro rinokosha kudaro? Kunyange zvazvo mazita aya achishanda kutiyeuchidza nezvekukosha kwekushanda nesimba, sevatingamiri vemakereke anotiyechidzawo nezvekukosha kwekucherechedza nekutenda vamwe. Sevatingamiriri tinofanirwa kuona kuti tatora nguva yekutenda avo vari kushumira, kunyanya avo vasinganyanye kucherechedzwa.

## 5. Simbisa kukosha

Verengai Mateo 25:34-40. Munzira dzakawanda iyi ndima inoshamisa. Inotiudza kuti chero zvatinoitira vamwe zvisoma, zvinoita sekunge tiri kuzviitira Kristu. Mabasa edu eRudo akakosha. Patinoenda kunoshumira, zvinoita sekunge tiri kuzviitira Kristu. Fungidzira kudai taifunga nezvevaya vatinoshumira saKristu—taizovashumira sei? Kushanda kwedu kwaizova kunokosha sei? Tinofanira kubatsira vanhu kuti vaone kuti, sezvavanoshumira nharaunda, vari kushumira Kristu.

## 6. Shandai pamwe chete

*Verenga nyaya inotevera uchidanidzira:*

Kwemakore kereke yainetseka kuti nei munhu akapiwa basa rokuchenesa chivanze chekereke aizochinja nguva dzose. Mumwe aizvipira kushanda uyezve, pashure pemwedzi mitatu kana mina chete, obva ati akanga asingachakwanisi kuita basa racho. Vanhu vakawanda vakazvipira kushanda kune dzimwe nzvimbo mukereke vakagara kwemakore mubasa ravo, saka nei vaizvipira kushanda basa rochenesa chivanze ava vaikurumidza kuchinja? Vaizvipira kushanda ava vakabvunzwa chikonzero nei vakanga vasingachada, asi vakawanda vakanga vasingadi kupa mhinduro yakajeka. Umwe akati pamwe dai vaive nechikwati chinoona nezvebasa repakereke zvaive nani. Kereke yakafunga kuti zvaive zvakakodzera kuedza kuita izvi, uye boka rinoona nezvebindu nechivanze rakagadzirwa.

Nhasi kune madzibaba nevanakomana nevamwe varume vanoverengeka vari muchikwata chebindu nechivanze. Vanosangana pamwe chete mangwanani eMugovera woga woga nenguva dze nomwe Vanotanga nomunyengetero vobva vaenda kunzvimbo dzakasiyana-siyana kwavanoshanda pamwe chete vari vaviri vaviri—vaviri vachichekerera miti, vari vachitsvaira. Nenguva dze pfumbamwe vanonwa kofi pamwe chete uye vachiudzana nezve mafambiro ari kuita zvinhu muhupenyu hwavo. Munhu wose ane mukana wokutaura, uye vanopedza mumunyengetero. Vanobva vadzokera panze kuti varambe vachishanda pamwechete. Iye zvino vanhu vanogara sechikamu chechikwata chebindu nechivanze kwemakore. Vanozongobva pavanenge vasisina hutano hwekuenderera mberi kana kuti vane zvimwe zvavanosungirwa.

**Kurukurai:**

- Chii chakaita kuti vazvipiri vade kushanda kwenguva yakareba?
- Nei uchifunga kuti kushanda pamwe chete kwakakosha?
- Ndezvipi zvimwe zvavakaita kuti vabatane?
- Ndeapi mamwe mazano ekuti tingabatsira sei vanhu kuti vashumire pamwe chete?

**7. Itai kuti zvinakidze**

Vanhu vari kuzoita zvimwe zvezvinhu zvavanowana zvichinakidza! Vachashanda kwenguva yakareba uye vanobatanidzwa zvakananyanya pavanenge vachinakidzwa nezvavari kuita. Dzimwe nguva tinofunga kuti zvinhu zvechiKristu zvinofanira kuitwa zvakanakombwa, asi Bhaibheri rinowanazotaura nezvemufaro. Kudenga kuchava nzvimbo izere nemufaro.

**HURUKURO MUBOKA DIKI**

**Mudzidzisi:** *Ipa boka rega bepa remibvunzo iyi kubva ku **MIFANANIDZO INOBATSIRA**: Nzira Nomwe dzekukurudzira Kushumira.*

- Wakamboedza imwe yenzira idzi here? Ndeipi yakashanda? Ndeipi isina kushanda?
- Ndedzipi dzimwe ndima dzatingashandise kudzidzisa pamusoro pekukosha kwebasa?
- Ndedzipi dzimwe nzira dzamakashandisa kucherechedza nekutenda vanhu? Ndeapi mamwe mazano amungaedza?
- Ungaita sei kuti muwedzere kunakidza kwacho? Ndedzipi nzira dzekuita kuti kushumira kuwedzere kunakidza?

**DZOKAI NEMHINDURO**

**Mirairo KuMudzidzisi:** *Iva nechokwadi chekuti unopa kirasi nguva yakakwana yekupindura mibvunzo iyi uye yekupindura.*

**CHIITO MUBOKA GURU**

Tichangobva kuona nzira nomwe idzo vanhu vanonzwa vachikurudzirwa kutora chikamu mukushumira: kudzidzisa, kugadzira mikana, kukoka vanhu kuti vatore chikamu, kucherechedzwa, kushanda pamwe chete, pfungwa yekukosha, uye kufara.

**Mirairo KuMudzidzisi:** *Kumbira munhu wese kuti auye kumberi aise mucherechedzo padivi pezvinhu zvitatu zvinonyanya kuvakurudzira.*

- Munhu wose akasarudza nzira imwe chete here? *Kazhinji, vanosarudza zvakasiyana.*
- Tsanangura kuti vanhu vese vanokurudzirwa zvakasiyana, saka mumakereke edu tinofanira kuisa pamwechete chirongwa chinokurudzira marudzi ese evanhu.
- Pane pfungwa dzadiwa zvakananyanya here? Unofunga kuti sei izvi zvadiwa zvakananyanya? Pane here maitiro here dzamunoshandisa nzira iyi kukurudzira vanhu mukereke menyu?

**Kereke Inoshumira**

Kana tichishuvira kuti makereke edu atange mararamiro ekuita Mabasa eRudo nguva nenguva (kwete apo neapo), saka tinofanira kutanga tazvipira kunamatira kereke yedu. Zvino tinofanira kuita zvatinogona kutaura nezvazvo, kuita, uye kupemberera Mabasa eRudo nguva dzose. Teerera nyaya iyi yechechi yakashanda nesimba kuti Mabasa eRudo ave mararamiro eungano yavo. (SG)

Mufundisi James vainge vonzwa kakukundwa. Aiziva kuti aida kuti vanhu vashande mukereke yake, asi akanga asingazivi kuti aizozviita sei. Shamwari yake yakanga yamupa nhamba dzenhare dzaMufundisi Moses ndokumuudza kuti amufonere awane mazano. Akafonera Mufundisi Moses mushure mekutaura kwenguva pfupi akaudzwa kuti aifanira kugadzira mweya wekushumira kukereke kwavo. Mufundisi James

vakatozoreurura kuti vaisaziva kuti mweya wekushumira wairevei. *‘Usanetseka,’* Mufundisi Moses vakapindura, *‘neni ndaisazivawo kutozosvikira makore mashomanene apfuura. Huya kune imwe ye ungano yedu, uye ndichakuratidza zvandiri kureva.’*

Mufundisi James vakasangana naMundisi Moses pamukova wekereke. Akanzwa kurerukirwa akafara achiona Mufundisi Moses vachiratidza kuti vaida kumubatsira zveshuwa kwete kungoshamisira nekereke yavo yakakura.

Pavakapinda mukereke Mufundisi James vakabva vaona paive nepepa hombe. Yakanga ine musoro unoti *‘Batanidzirwa Pazuva Rokushumira.’* Pasi pemusoro wacho paiva nevhesi *‘...uye imi, hama nehanzvadzi, musaneta pakuita zvakanaka. — VaTesaronika vechipiri 3:13.’* Pazasi pachu, mwedzi mumwe nomumwe wakarongwa nemitsetse mitatu pedyo nawo. Mutsetse wekutanga waive wenhamba yeMabasa eRudo aive aitwa mwedzi iwoyo, wechipiri waive nehuwandu hwevanhu vakabatsirikana, uye wechitatu waive nehuwandu hwevanhu vaive vabata basa.

*‘Chii ichi?’* vakabvunza Mufundisi James.

*‘Tine zuva rokushumira mwedzi woga woga,’* Mufundisi Moses vakatsanangura. *‘Pamazuva iwayo tinoedza kuwana vanhu vakawanda muchechi vanoshumira neimwe nzira sezvinobvira. Ndinogara ndichikoka vanhu kuti vatore chikamu pandinoparidza, uye vanhu vari muungano vanokoka vamwe mukukururirana kwavo kwezuya nezuya. Vamwe vanoshanda mukereke nekubatsira nemagadheni kana kupenda imba. Vamwe vanobatsira munharaunda kuburikidza nokugadzira imba inenge ichida kugadzira kana kuti kuita zuva rokufara nokuda kwavana. Tine zvikwangwani zvakati wandei zvakapoterredza chechi zvinoyeuchidza vanhu nezvemazuva iwaya uye zvichivabatsira kuona kuti vangani vari kushumira uye kuti tichiri kuda kuti vatore chikamu. Mwedzi wega wega tinonyora kuti mangani Mabasa eRudo atakakwanisa kuita, vanhu vangani vakabatsirwa, uye kuti vangani vakatora chikamu. Mwedzi wega wega, tinoedza kuwedzera nhamba yevanhu vanotora chikamu.’*

Mufundisi James pavakaringa ringa muchechi vakaona kuti chaive chokwadi — mumadziro maiva nemapepa ane mavhesi akasiyana siyana. Kumadziro ekuseri kwaive nemifananidzo yakati wandei yezviitiko zvakanakama zvakanakama kare. Paiva nemifananidzo yakawanda yevanhu vaitora chikamu muzvinhu zvakanakama-siyana: kuvaka dzimba, kugadzira migwagwa, kuchenesa chechi, uye kudzidzisa vana. Pamusoro pemifananidzo yacho paiva nechikwangwani chihombe chainzi, *‘Ngativake Humambo hwaMwari pamwe chete.’*

Mufundisi James vakawana pekugara Mufundisi Moses vachigadzira kutanga ungano yezuya iroro. Mufundisi James vakaona vanhu vairatidza kufara vachimhosa vanhu vose pamusiwo uye mumwe mukadzi aibatsira mapofu nevakuru kutsvaga zvigaro uye kuvapa makapu esvutugadzike. Akanzwa kugamuchirwa zvikuva muchechi umu uye akashamisika kana aigona kuita chinhu chakadaro kuchechi yake.

Pakatanga shumiro, vechidiki vakatamba uye ungano yakaimba nziyo. Nguva yekunamata yapera, Mufundisi Moses vakakoka vanhu kuti vazopawo huchapupu. Mumwe mukadzi mukuru akauya pamberi akati, *‘Ndakafirwa nomurume wangu uye iye zvino ndiri kuchengeta muzukuru wangu ndega. Imba yangu yakanga isina kugadziridzwa zvakanaka uye yaibvinza zvakaipa uye muzukuru wangu akanga asiri kugona kuchikoro.’* Ipapo, akanyemwerera zvikuva, *‘Zvino kereke yauya ndokundibatsira nokugadzira denga remba. Uye vamwe vachiri kuyaruka vakakoka muzukuru wangu kuti ave chikamu chechirongwa chekudzidziswa kuti asafaira chikoro. Ndinotenda zvikuva nenzira iyo kereke yakandibatsira nayo. Ndinokutendai mose!’* Munhu wose akabatwa mwoyo nouchapupu hwacho. Mufundisi Moses vakadzokera kumberi kwekereke vakakumbira chikwata chainge chavaka imba iyi nechikwata chevadzidzisi kuti chisimuke. Vakadaro, kereke yese yakapururudza vachivafarira. Vakaratidza kufara ndokugara pasi nekukasika. Mufundisi Moses vakaita

munamato wechimbichimbi kumudzimai uyu nemapoka aishumira — vachitenda Mwari nechido chavo chekubatsira, vachitenda Mwari nekuvashandisa, uye vachikumbira Mwari kuti varambe vachibatsira kereke kuti imuunzire mbiri nemabasa avo ekushumira. Mufundisi Moses vakabva vayeuchidza kereke kuti zuva rekushumira raizouya mumavhiki maviri chete. Akavaudza kuti vaida kuti muviri wose ushande pamwe chete kana vaizovaka Humambo hwaMwari. Akavayeuchidza kuti kwakanga kusina mativi emuviri asingabetseri uye kuti, zvakafanana nomuviri womunhu, kana pane mitezo isingashandi, ipapo muviri wose hausi kushanda sezvawaigona. Akabva akumbira vava vakanga vatonyoresa kutora chikamu kuti vaone kuti vose vakumbire mumwe munhu kuti abatane navo pazuva rokushumira.

Basa richienderera mberi Mufundisi James vakafunga zvese zvavainge vaona nekunzwa kusvika apa. Zvakanga zvichishamisa here kuti vanhu vazhinji kubva kukereke iyi vaitora chikamu muMabasa eRudo nguva dzose? Akazonzwisisa zvairehwa naMufundisi Moses pava kati unofanira kugadzira mweya hwehushumiri.

#### **HURUKURO MUBOKA DIKI**

- Nzira nomwe dzekukurudzira dzinomiririrwa sei munyaya iyi?
- Ndedzipi dzimwe pfungwa dzamungadzidza dzinogona kushanda zvakanaka mukereke menyu?

### **Mhedziso**

VaEfeso 4 inoti: ‘Muviri wose . . . unokura nokuzvivaka murudo sezvo mutezo mumwe nomumwe uchiita basa rawo.’ Tinokura patinopiwa mikana yokushandisa zvipo zvedu! Sevatungamiri tinoda kukurudzira kereke yese kuti itore chikamu mukushumira.

#### **DZAMISA PFUNGWA**

Tarisa zvakare nzira nomwe dzekukurudzira vamwe kuti vashumire nemazano akaburitswa mumapoka. Ndezvipi zvinhu zvitatu zvaunoda kushandisa mwedzi uno kuti uwane vanhu vakawanda mukereke yako kuti vatore chikamu mukushumira?

***Mirairo KuMudzidzisi:*** Pedzisai nekutora nguva yekunamatira makereke avo uye nekunamatirana.